

東
華
續
錄

臣朱壽朋敬編

臣章圭緣恭校

三月癸亥朔恭錄奏奴才自抵任以來訪求烏魯木齊從前機密之故由於規機中軍參將索逆煥漳之首爲反謀提督業布冲額之毫無覺察迨反形已露遣勇朱小桂赴官喊報而業布冲額聽信索逆誣陷之言謂朱小桂誑報軍情立即處斬無何而索逆遂反迪城遂破官紳商民遂慘遭屠戮附近各城遂相繼淪陷謹將採訪真確各情爲我皇上陳之方業布冲額之爲烏魯木齊提督也惟中軍參將索逆煥漳之言是聽索逆遂引用同教回民分據要差營馬廠者金玉管藥庫者沙金秀守北門者馬良守東門者馬順穆獻汶及提督之傳號戈什伴當馬升余祿等又數十人皆回黨也自關內逆回馬化隆倡亂之後關外回民驟然思亂玉門縣逆回楊春遂至庫車勾結回目黃和卓等乘機謀變同治三年五月初三日夜半亂作庫車陷喀喇沙爾聞變徵兵於烏魯木齊楊逆亦潛來烏城求援於索逆索逆陰與定謀假以綠營兵丁猝難調集爲詞勸業布冲額稱病不出都統平瑞檄協領穆克德肯佐領佟瑞都司張維昶率滿兵五百名並檄庫爾喀喇烏蘇領隊大臣文永率漢兵一千名遣犯數百名往援喀城索逆乃與楊

逆約俟官兵拔隊乘虛作亂復遁逆黨馬如智等先至庫車吐魯番各處布散流言謂官兵南下不分良莠惟分漢回以激怒回眾令其設伏以待五月二十五日官兵開拔前進適遇勇朱小桂行落後見迪化南關各巷回家已整隊持兵往奔而返赴提督衙門喊報亂狀索逆向業布冲額力辨其誣謂朱小桂誑報軍情綁赴市曹立即處斬迨都統平瑞由鞏寧城遣人索之已行刑矣援喀之軍行至烏什達拉遇伏賊全軍覆沒領隊大臣文永等皆死之信至烏垣官兵震悚索逆乃結楊逆潛赴南山達坂一帶糾東西兩溝回黨數千於六月初十日陷達坂城而業布冲額猶謂索逆必無異志信用益堅是月十二日二更迪化南關亂作守東門之馬順糧獻汶開門納之業布冲額倉猝調兵無一應者城陷索逆將業布冲額父子攜至城外逆黨焚提督公署業布冲額眷屬同時自焚賊屠城都統平瑞由鞏寧城遣兵五百名來援皆戰沒業布冲額之子向業布冲額泣曰事至此兒不能久待矣遂自殺業布冲額旋亦自盡移兵圍攻鞏寧城九月初三日鞏寧亦陷而昌吉綏來庫康奇台古城濟木薩各城皆相繼失守此同治三年烏魯木齊失陷情形也奴才伏查朱小桂以遣犯從軍覘知反狀赴官喊報意在弭亂幾先其有關於新疆全局者甚大不聽其言且誣以惑眾立即誅戮實爲異常冤慘索逆煥漳爲烏魯木齊提標中軍參將其父索文原任甘肅提督曾請三代一品 封典歿後 賞贈太子少保銜雲騎尉世職似此受 恩深重

乃敢首先謀反攻陷城池屠戮官民實屬罪大惡極雖本身已死容屬淪亡而其父案文 封贈獎廕尙未追奪不足以誅既往而戒將來業布冲額以專闔大員平日信任逆回迨變生肘腋毫無覺察復聽信讒言殺戮忠義致令各城淪陷生靈荼毒迺隨案逆潛身城外及聞容屬自焚又見其子殉節不得已而後自盡其昏庸乖謬流毒全疆一死不足以塞責原任烏魯木齊都統英翰訪查未確於光緒三年十一月爲業布冲額奏請 恩卹聞者無不憤懣奴才於光緒四年到烏卽聞朱小桂之忠而被戮一時未悉細情故先於彙奏官弁兵民殉難摺內聲稱議卹上年三月前署鎮迪道周崇傳請將案逆祖父 封贈世職奏請註銷奴才又以事之始末無案可稽恐傳聞或有未符未敢遽行上請迄今又逾一年屢經密訪衆論僉同若必以案牘爲憑而新疆各城失陷十有餘年案牘不存一何從稽考此案情節予遺之民無不周知其未經遇難員弁亦言之歷歷實屬毫無遺義案關公憤自應立予平反以示勸懲 上諭恭錄奏平反巨案請有分別辦理一摺據稱同治三年烏魯木齊失陷由於提標中軍參將索煥章首爲反謀提督業布冲額毫無覺察迨叛跡已著乃丁朱小桂赴提督衙門喊報業布冲額聽信索逆誣陷之言謂朱小桂誑報軍情立即處斬未幾索逆遂反烏魯木齊及附近各城相繼淪陷等語烏魯木齊從前失陷情形據恭錄訪查明確朱小桂被誣冤殺自應卽予平反朱小桂著照所請交部加等議卹並准

其附祀原任烏魯木齊都統平瑞專祠案煥淳之父案文所得三代一品封典太子少保銜雲騎尉世職
著一併褫革業布冲額信任逆回貽誤大局並著將卹典撤銷該部知道○甲子 上詣 大高殿祈雨
○戊辰 上詣 泰先殿 壽皇殿行禮○劉長佑等奏 臣等前承准軍機大臣字寄光緒五年六月初
七日奉 上諭昨據都察院代奏貴州候補道羅應旒敬陳管見一片貴州苗疆初定自宜革除積弊以
期永遠相安著劉長佑岑毓英詳細查明妥籌辦理等因欽此 臣毓英當即遵 旨檄飭貴東道易佩紳
貴西道曾紀鳳查核妥議嗣據該道等先後稟報前來適 臣毓英奉 命查閱營伍往來上下兩游各府
州縣復周諮博訪再四籌商議案羅應旒條陳各款除採買兵米等弊業經曾紀鳳於署糧道任內詳
請通行禁止由前撫 臣黎培敬奏明在案又各屬地段交錯情弊亦經 臣等於奏請移設銅仁等縣摺內
聲明擬委員查勘改正奉 旨交部核議俟接准部覆即遵照辦理又夫役流弊一條亦迭經通飭嚴禁
均可毋庸再議外所請裁革土司一條查土司設創苗民在承平時確有如此情狀軍興以來土司頗沛
流離無復從前氣習若如所奏概行裁革則無以服其心且恐另生枝節若改爲雲恩屬屬世職亦屬太
多似非盡善之道 臣等擬分別良莠隨時勸諭令各土司自今以往於所部苗民不准科歛凌虐並不准
包攬錢糧擅理詞訟違者立即革職治罪不另請獎職則土司之弊可除又請改易屯軍一條屯軍相傳

數世百弊叢生誠有如羅應旆所陳者但原擬改佃收租不守 成法似欠妥協不若量爲變通以清積弊查十衛屯軍每衛或七八百戶或千餘戶不等只領以衛千總一人又有收糧之職兼顧難周等擬飭將各衛應納屯糧改由附近府屬州縣上納而以各衛千總統歸附近之鎮協參遊管轄將屯兵分爲兩班與守兵一體操防征調查其勦擒分別勦懲各屯額設之百戶總旗小旗人等如有操防不力及不安本分者卽行革換不許濫充則屯軍之弊可除原片又稱古州等屬員均無羨餘開缺廉俸不敷辦公自係實在情形近年黔省辦理善後因該屬員等異常清苦按月各給經費銀一百五十兩擬請定爲成例其各屬書役工食亦酌量添給嗣後再有藉端擾民者重治其罪則官吏之弊亦可除原片又稱設立義學令漢苗子弟肄業其中等語查黔省漢少苗多而下游之苗種類尤雜漢民則多居城市子弟從學較易文風頗有可觀苗民則散居山谷不諳詩書罕知禮法往往陷於刑戮而欲格其非心變其惡俗誠莫如振興文教臣等考諸舊志前督臣鄂爾泰題請於各府屬州縣設立義學以課苗童洵屬法良意美惜後來不能請求迄今有名無實故下游苗民積習相沿多未離髮改裝形同化外臣等查湖南鳳凰永綏乾州三屬向設苗弁苗兵以資管束又設書院義學以資化導復仰沐 皇恩先後添設苗學並於湖南鄉試每科取中苗舉一名數十年來風俗丕變人材輩出黔省僅銅仁府縣設有苗弁十五員苗兵一

百零五名松桃廳屬設有苗弁一百一十三員苗兵一百二十五名其餘苗疆之清江台拱古州八寨丹
江都江歸化各廳均無苗弁苗兵苦於入款太少不能添設現在銅仁松桃苗民俱薙髮改裝頗知禮法
該苗弁苗兵可以酌量分撥等擬請將銅仁府縣屬之苗弁撥出十缺苗兵撥出七十名松桃廳屬之
苗弁撥出八十缺苗兵撥出八十名以分設於苗疆各廳飭選明白公正苗目充補責成管束苗民並清
查充公田產添設義學勸諭薙髮改裝悉如漢制凡有子弟既使肄業讀書每廳設一書院按月課試俾
薰陶漸染化其剽悍之風共禦尊親之義自可長治久安惟苗民既令讀書必須寬以進取引其向化之
途可否於通省原設學額外懇 恩准照湖南鳳凰等三廳之案將黔省苗疆未設學額之清江台拱都
江下江丹江歸化各廳一併 賞給學額以示觀感之處出自 逾格鴻施得 旨所奏革除苗疆積弊
各條尙屬妥協卽著照所議辦理仍當隨時察看務須認真整頓以期日久相安所請添設清江等廳縣
學額之處著禮部議奏○庚午周恆祺奏東省自黃流變遷以來沿河各州縣或出厭被淹或城郭受衝
居民蕩析流離情形可憫其地近河干累遭水患之利津惠民等處上年經臣奏請修築堤壩經歷三汛
民無失所茲查濟南府屬之濟陽縣係在黃河下游東西南三面臨黃縣城逼近河身其南關街等處距
河僅止二十餘丈及十餘丈不等更有距城里許之官道口地方直衝大溜險要尤其上年伏秋汛漲連

衝兩岌岌可危幸經該縣督率附近居民將第三堰搶築完固城垣得以無恙而城西南一帶高阜地畝盡背坍入河中且堤外水高平地幾及丈餘倘將河岸刷盡水勢直逼城根非特城垣難保卽西南各鄉亦必漫成澤國據該縣知縣周連元轉據邑紳候選訓導楊存盛等聯名公懇自官道口起至城東連南止擇要建築三合土壩三座由北岸伸入河心逼溜中行南趨東下並將堤岸修補整齊以免再行坍塌等語當經臣遵委候補知府張清綬前往確切查勘所籌辦法尙合機宜計三合土壩三座每座應築南北底長六丈頂長五丈七尺又壩根東西底寬五丈頂寬四丈五尺壩頭東西底寬三丈頂寬二丈五尺高均四丈再於每壩上游築河岸十丈下游築六丈四鄉堤埝亦多殘缺不全均應一律修培完固核計堤埝兩項工料撙節確估共需銀一萬餘兩民間無力捐修懇請籌款辦理繪具圖說稟覆前來臣查城垣爲一方保障該縣逼近黃溜若不及時妥爲保護將來一經冲決則工大費煩更難收拾此項三合土壩並沿河堤岸需費較多所稱紳民無力捐辦尙屬實在情形惟當此需餉孔殷之際庫欸異常支絀加以近年籌辦黃運兩河所費不貲但有可以借資民力之處自當設法兼籌期於國計民生兩有裨益籌思至再惟有將沿河殘缺堤埝及三合土壩工夫仍飭民間集夫辦理其築壩填埝應需物料等項據估核銀六千六百六十兩卽由司庫籌款給領實成該縣知縣周連元督同紳民人等趕緊興修不准

假手胥役草率偷減仍俟工竣稟報驗收以昭慎重如此酌量辦理於要工既不致貽誤而物料仍給銀兩該紳等僅出夫工亦當易於集事下部知之○諭御史徐克剛奏上駟院郎中廣善與上駟院卿尙宗瑞往來營私蒙古王公呈進馬駝廣善令筆帖式安吉俊良索取銀兩並將口分按三成扣留賄囑尙宗瑞不備交翼變價以冀冒領口分又各圈應領豆米安吉俊良說明扣頭然後分給種種需索物議沸騰請旨查辦等語著派寶器毛昶熙確切查明據實具奏○壬申戌時 慈安端裕康慶昭和莊敬皇太后崩欽奉 遺詔曰予以薄德祇承 文宗顯皇帝册命備位宮闈迨穆宗毅皇帝實紹丕基孝思肫膺承歡奉養必敬必誠今皇帝入繼大統親臨問安秉性誠孝且自御極以來典學維勤克懋敬德予心彌深欣慰雖當時事多艱斯宵勤政然幸體氣素稱強健或冀克享遐齡得資頤養本月初九偶染微疴皇帝侍藥問安祈予速痊不意初十日病勢陡重延至戌時神思漸散遂至彌留年四十有五母儀尊養垂二十年屢逢慶典迭習徽稱夫復何憾第念皇帝遭茲大故自極哀傷惟人主一身關係天下務當勉節哀思一以國事爲重以仰慰 慈福端佑康頤昭豫莊誠皇太后教育之心中外文武恪供厥職共襄郅治予靈爽實與嘉之其喪服酌遵舊典皇帝持服二十七日而除 大祀固不可疎羣祀亦不可輟再予向以儉約樸素爲宮壺先一切事關典禮固不容矯從抑損至於飾終儀物有可稍從儉約者務惜物力卽

所以副予之素願也故茲詔諭其各遵行○諭朕入承大統仰蒙 大行慈安端裕康慶昭和莊敬皇太后顧復恩深慈情罔極臨御以來於茲七載承歡奉養深荷慈愉常見 動履康強所宵勤政私心慶慰力冀延祺益算克享期頤初九日 慈躬偶爾違和當進湯藥調治以爲即可靜安不意初十日病勢陡重痰湧氣塞遂至大漸遽於戌時 仙馭升遐呼搶哀號曷具有極欽奉 遺詔喪服二十七日而除朕心實所難安仍穿孝百日並素服二十七月稍申哀悃至 諭以勉節哀思一以國事爲重用慰 慈躬端佑康頤昭豫莊誠皇太后教育之心敢不敬遵 遺命勉加抑制所有 大喪禮儀著派惇親王奕訢恭親王奕訢貝勒奕劻御前大臣景壽大學士尙書靈桂尙書恩承翁同龢敬謹管理一切應行事宜並著詳稽舊典悉心核議隨時具奏將此通諭中外知之○甲戌諭譚鍾麟奏招商局借撥浙江塘工生息經費銀三十萬兩每年應還銀六萬兩請飭扣還等語著飭招商局於本年承運浙漕腳價項下由浙省糧道扣還本銀六萬兩○乙亥欽奉 慈禧端佑康頤昭豫莊誠皇太后懿旨醇親王奕譞著穿百日孝○諭恭理喪儀王大臣照例穿孝百日外親王銜多羅惠郡王奕詳郡王銜多羅貝勒載澂多羅貝勒載漪貝子銜鎮國公奕謨禮親王世鐸肅親王隆懃莊親王載勛科爾沁親王伯彥訥謨帖多羅貝勒載漪那爾蘇貝子銜科爾沁鎮國公棍楚克林沁輔國公載瀛輔國將軍載瀾前鋒統領熙拉布和碩額駙護

軍統領扎拉豐阿固倫額駙副都統符珍委散秩大臣載瀛載津軍機大臣左宗棠李鴻藻景廉王文韶
總管內務府大臣廣壽志和師曾廣順毓慶宮行走孫家鼐張家驥兩書房行走潘祖蔭孫詒經徐郃亦
著穿孝百日其餘王大臣官員均著穿孝二十七日釋服焚燬○諭現遣 大行慈安端裕康慶昭和莊
敬皇太后大事各直省將軍督撫都統副都統提鎮等均有職守不必奏請來京叩謁 梓宮惟當實心
辦事勉盡厥職不在儀節虛文也○諭向來各督撫將軍府尹及鹽政關差織造等例貢方物著則年內
暫行停止○丁丑諭 大行慈安端裕康慶昭和莊敬皇太后母儀天下垂慈訓政錫福寶區至德徽音
遠邁前古今茲 仙馭升遐朕心哀痛不能稍釋敬稽典禮宜隆 諡號以表尊崇著大學士九卿會同
敬謹詳議具奏○戊寅 上詣 大行慈安端裕康慶昭和莊敬皇太后梓宮前行殷奠禮○諭前因給
事中樓譽奏粵海關庫將傳廉改名傳廣侵吞餉項勒索規費報捐道員仍復把持關務當經諭令張
樹聲裕寬確查具奏茲據查明覆奏此案傳廉卽傳廣曾充粵海關船房單書所參各節或事出有因或
並無確據惟既報捐道員仍復逗遛廣東與庫書時相往來雖非把持關務究屬不知檢束花翎三品銜
分發福建試用道傳廉卽傳廣著卽行革職勒令回籍不准逗遛該部知道○辛巳 上詣 大行慈安
端裕康慶昭和莊敬皇太后梓宮前行殷奠禮○壬午奉移 大行慈安端裕康慶昭和莊敬皇太后梓

宮於 觀德殿○上詣 觀德殿 大行慈安端裕康慶昭和莊敬皇太后梓宮前行安奠禮○諭上年順天直隸各屬被水被旱災區甚廣本年春麥歉收飢民待澤孔殷朝廷實深軫念著撥給湖北本屆採運漕米三萬石由李鴻章等詳查災區輕重分別散放其隨漕剩船耗食米石及運通船價等項並飭解交天津賑局津貼運費該督等卽督飭所屬認真經理務使實惠及民毋任絲毫弊混用副勤恤民依至意該部知道○癸未李鴻章等奏光緒七年三月十五日奉 上諭 大行慈安端裕康慶昭和莊敬皇太后母儀天下垂慈訓政錫福寶區至德徽音遠邁前古今茲 仙馭升遐朕心哀痛不能稍釋敬稽典禮宜隆 謚號以表尊崇著大學士九卿會同敬謹詳議具奏欽此○等數稽稽典詳考慈章欽惟 大行慈安端裕康慶昭和莊敬皇太后德配 乾元 功符 坤厚 備福壽者卅五載 受孝養者二十一年合九州萬國以聯歡 尊親並戴統四極八荒而來貢 頤樂彌長揚 神武於邊陲 隆稱疊晉祝洪釐於薄海 慶典頻頒 至德難名非臣下所能擬議 徽音丕懋惟 聖王始克尊崇謹酌繕謚法字義進呈 欽定再查乾隆四十二年恭上 孝聖憲皇后 尊謚奉 旨將歷年加上徽號有按例酌減及應增加字樣敬謹詳議經大學士舒赫德等議奏於 孝聖憲皇后 徽號十八字內擬留六字增加四字冠以 尊謚二字共敬列十二字於道光二十年正月初五日恭上 孝和睿皇后 尊謚亦

經大學士穆彰阿等奏請於原摺 徽號十二字內酌留六字增加四字今恭上 大行慈安端裕康慶
昭和莊敬皇太后 尊諡於原摺 徽號十字內謹擬留六字繕單呈 覽再擬增加四字謹分晰繕單
恭候 聖裁爲此敬謹合詞具奏 上諭欽惟 大行慈安端裕康慶昭和莊敬皇太后德性淵涵 仁
慈溥被 體坤元而合撰 備懿徽以難名 仙馭升遐 徽音永著今擬大學士九卿等敬謹擬上
尊諡朕仰維 慈愛追慕無窮謹於 徽號十字內酌留六字合之恭上 尊諡稱曰 孝貞慈安裕慶
和敬儀天祚聖顯皇后允足昭垂萬禩式表尊崇溥海同欽咸瞻鉅典所有應行典禮該部敬稽成例具
奏○諭 大行慈安端裕康慶昭和莊敬皇太后 普祥峪萬年吉地今定爲 普祥峪 定東陵舊傳
知各衙門敬謹遵照緣由○甲申頒給四川南部縣 天后宮 龍王廟匾額○乙酉諭岐元等奏請將
郭寶昌撤回各營內兩磅後膛礮六尊格林礮兩尊馬桿呢後門洋鎗五百桿並火藥鉛丸全數截留等
語江南本有應解奉省軍械現在尙未解到著李鴻章飭令郭寶昌將該營礮位等項照數截留其應如
何運解及酌留員弁兵丁俾資訓練之處並著李鴻章查明辦理所有此次截留礮位等項著劉坤一於
機器局如數撥給由裕祿知照郭寶昌領用以利操防○丙戌 上詣 觀德殿 大行慈安端裕康慶
昭和莊敬皇太后几筵前行禮○予故四川總督吳棠於原籍安徽建祠○諭岐元等奏勘估泊岸宜修

方位及補栽樹株請領銀兩擇吉興修一摺據稱遵勘 永陵草創河南北岸宜修吉方各工及補栽樹株共需銀七千二百五十九兩請動支實銀擇吉興修等語著欽天監於四月內選擇吉期先行知照卽著岐元等敬謹興修所需銀兩由盛京戶部照數開領工竣後核實報銷○戊子 上詣 觀德殿 大行慈安端裕康慶昭和莊敬皇太后几筵前行初祭禮○諭銘安等奏職員欠租私墾延不到案請旨飭追一摺刑部主事鄧文藻在奉天原籍承領吉林地畝拖欠租錢三千一百九十餘千並浮領地畝三千三百二十餘晌輾轉出售輾轉不清屢經飭傳抗不到案實屬延玩著刑部堂官盛京將軍奉天府府尹查明該員究竟現在何處飭令迅赴吉林趕緊完納清理倘再抗延卽著從嚴參辦○己丑 上詣 觀德殿 大行慈安端裕康慶昭和莊敬皇太后几筵前行禮○李明墀奏請自道府以下未入流以上停止分發湖南二年允之○追予江蘇吳江縣紳士國子監典籍徐泰青建祠○庚寅 上詣 觀德殿 大行慈安端裕康慶昭和莊敬皇太后几筵前行大祭禮○諭劉長佑久膺疆寄辦事實心朝廷深資倚任該督惟當勉力從公以副報稱所請休致著勿庸議○辛卯 上詣 觀德殿 大行慈安端裕康慶昭和莊敬皇太后几筵前行禮○是月命駐德使臣李鳳苞兼護奧荷三國使事○命黎庶昌爲出使日本國欽差大臣始裁副使

夏四月癸巳兩○諭內閣學士寶廷奏請飭內外諸臣共殫血誠一摺方今時事多艱全賴內外諸臣協力同心維持匡扶豈可不加振作稍涉因循恭親王誼屬懿親久資倚畀軍機大臣等同居樞要務當竭慮殫精任勞任怨力矢公忠以期無負委任其有言責諸臣於用人行政確有所見尤應剴切指陳不可稍存避忌至各部院堂官及各省督撫受國厚恩均膺重寄於一切應辦事件總當加意講求認真整頓庶幾中外一心艱難共濟於諸臣有厚望焉將此通諭知之○寶廷奏每值 皇上親詣 觀德殿行禮齊集諸臣數本不少而僕從閒雜人等亦混入聚觀 天顏咫尺殊屬不成事體擬乞 飭下所司每值親行之日勿先開門執事人員必須先到者查明放入齊集諸臣皆在門外伺候 聖駕到後臨祭時自東門放入祭畢立時放出僕從閒雜人等概不許入有混入者查出治罪以昭整肅 上諭內閣學士寶廷奏每值 觀德殿行禮齊集僕從閒雜人等混入聚觀請飭查禁等語 觀德殿齊集禮應嚴肅若聽僕從閒雜人等任意混入殊屬不成事體嗣後每值齊集之日著該管大臣認真稽查如有僕從閒雜人等不遵約束擅入門內者卽行從嚴懲治以昭整肅○予江西長寧縣孝女曾蘭旌表○甲午劉坤一等奏洪澤一湖寶淮揚水利命脈所關近年淤墊實甚不特淮河盛漲之時湖水漫溢大溜下趨塞下河數十萬生靈有岌岌不可終日之勢並恐黃河南岸偶有疏虞則洪湖寶當其衝爲患益巨萬一淮黃之水

因洪湖不能容納或由上游橫決而出則安徽江蘇之隸江北各州縣不堪設想矣然欲挑濬洪湖無論水蓄易淤仍虞下游別無去路是以同治五六年間前督臣曾國藩首創導淮之議先行試挑黃河故道臣坤一於光緒元年署理督篆曾往揚莊履勘亦以此爲綱繆至計維時遑遑尙多缺漏不能不先顧修隄未遑將黃河故道一律挑挖寬深厥後沈葆楨總督兩江百寶苦心修築連隄東西兩岸亦擬俟工完固續濬濬河臣等職守攸關不敢不引爲己任當飭奏補徐州道程國熙督徐州道張富年淮揚海道桂嵩慶於上年冬間前往履勘自揚莊舊黃河而中運河而順清河而吳城七堡而碎石河而張福口參用西法以水旱平矩板先挖水源逐細測量酌通工之緩急分開辦之後先治水之法先治下游是一定不易之理擬將揚莊以下舊黃河先行開濬以立導淮始基查自揚莊起至安東縣之東門外止共計長一萬四千餘丈估挑土四十五萬餘方估需錢十六萬八千餘串地勢西高東下河槽寬窄淺深不一間有淤成平陸之處且多游淤暨飛沙陷沙立足之難出土之遠泉眼之多工段之長非尋常挑河可比經該道等輪流駐工劃分四十段遴選諳練文武員弁雇募民夫照估興挑已於二月初九日開工其自安東以下至雲梯關尙多露灘高凹之所必須酌量挑挖與上游河底配平以免阻水停淤卽趁此時接續辦理此外應挑之處及如何開闢引河如何移設壩座另再分別次第每年舉行事不求夫速效歟必杜

其虛糜就全淮大勢而論洪湖北高南下形如側弁中運河地勢比洪湖尤高將來能否引全淮南趨之水逾中運河折而東注造端宏大難免變遷等未敢信有把握且清淮高寶一帶民田仍須淮水灌溉必須著洩得法以期操縱自如事關國計民生但使今日盡一分之心或可將來減一分之害惟工程愈大需款愈煩江南雖多財賦之家而地丁關稅釐金入少出多無可挹注等往返咨商近年正陽五河兩卡鹽釐收數稍旺此項鹽釐奏明分作十成攤解今擬於金陵皖省營三處每年每處各撥二成城內皖省餉需較絀先撥一成其緩撥之一成俟征軍撤防補撥以符定數而清要工報聞○丙申上詣觀德殿大行慈安端裕康慶昭和莊敬皇太后几筵前行禮○恆訓丁寶楨奏臣等前於奏報峨邊蠻匪肅清摺內聲明雷波夷務迭據總兵李培榮稟報連獲大勝匪勢已形窘迫投誠甚眾容報肅清再行馳奏在案先是臣等查得雷波夷匪以烏拋阿忽庚扎等支為強悍庚扎向分三大支內又各分十餘小支歷恃路險人強出巢滋擾非大加懲創則犬羊之性桀驁難馴終為邊境大患因隨時切諭李培榮相機妥辦去後旋據陸續稟稱自攻拔由家灣一帶後步步扼險屯營抽派精銳協同添募嚮導土勇四路搜剿九月二十七日夜軍功襄得勝帶領勇隊出巡至竹根窩適見林內火光起伏候有賊匪四五百人乘勢衝來襄得勝督隊施放鎗礮暗中斃匪多名旋即潰退續於二十八九兩日有雙土馬黃四

之勝該夷人因我軍節節進攻兵勢甚盛夷西楊山賈盧恆學朱黑達出那楊山耕姑基曲哈散達等均各釋械來營求撫十月初八九等日貢王繫夷西米月鵠盧那巴胡木千八欠丁洪午等各在對面山頭喊稱投誠當令守備張世傑傳諭如能捆獻爲首兇夷繳出槍旗難民始准歸降詎該夷卽期認繳連日毫無動靜李培榮知其意在緩兵別逞狡謀當傳各將升面投機宜十四日進攻貢王寨是日副將張占龍總兵周得勝提督邵永齡等督隊行至阿托地方夷匪悉衆二三千人憑高力拒我軍以鎗礮仰攻斃賊數十人軍功安大爵立斬紅衣悍夷一名割獲首級賊猶拚命撞撲總兵劉興旺參將楊斌把總孟廣勝胡福貴土司楊得壽分率兵勇由後路抄截而出喊聲大震賊衆驚潰退踞漂漂石抵拒正相持間遊擊汪期紳都司郝錦富副將張開吉曹止海等亦帶隊從小路馳至猛撲十數次殄斃悍夷二百餘名逆勢不支始紛紛敗退我軍追過河岸立將山脚蠻房數百間一律焚燬適鎮兵劉鎮湘副將李修德傳定升都司黃士明等由長河壩後山繞出因見各軍追賊過河揮隊急前夾攻該夷腹背受敵驚惶無措我兵乘勢奮殺又斃賊三百餘人生擒四十二名外委卿祖訓湯有能大旗徐連升中鎗陣亡劉鎮湘等距追至貢王寨礮口時已天晚卽收隊就寨外紮營是日都司謝文瑛千總毛廷魁協同曹安右營又於西蘇再惹子坪等處與該夷另股竄匪相遇亦殄勝捷殺賊約百餘名生擒九名十五日天猶未曙汪期紳

郝錦富等率隊由中路邵永齡劉鎮推等由左路楊煥張占魁李修德等由右路各帶勇丁蜂附而進該
夷悉數攻撲經中路汪期紳先登手刃守礮賊數人砍倒木柵左右兩軍一齊緣柵而上羣據要隘鎗礮
環轟刀矛並舉斃賊四五百人生擒五十七名喊殺之聲山鳴谷應逆夷倉皇失措奪路狂奔落崖墜澗
不計其數立將貢王寨攻克平毀礮樓八座焚燒蠻棚八百餘間餘匪俱由母狗坡遁入大小谷堆隨著
石租吳奇阿著阿陸金區補節阿合熱租板都各支見我兵勇悍勇當於十八九等日率其土目赴營泣
求免死李培榮察其情真優加犒賞而庚扎阿黑等支仍恃其人衆地險負隅如故李培榮察看大小谷
堆一綫羊腸壁立萬仞爲悍夷層聚堅巢石卡林立若不盡力攻破恐不足以寒該夷之膽而服其心隨
飭張占龍等分督勇丁在貢王寨左右山梁修築土礮成掎角之勢並於青林巾虛懸旗幟設爲疑兵而
自率勁勇千名進紮母狗坡相機剿辦並拿獲奸細訊知庚扎搬來涼山悍黨千餘人爲抵死拒敵之計
適二十五六兩日大霧瀰漫該夷以我兵難於出擊羣在對山呼跳李培榮見其有恃無恐密派李修德
劉鎮湘潛由山徑帶兵埋伏一面令汪期紳等出營誘敵二十八日黎明後夷匪數千蜂擁來撲汪期紳
等領隊迎擊哨弁賈保勝帶悍勇數十人殺至山腰猝被飛石打傷腦頂陣亡勇丁高全張和保曾占
春喬勇衝突生擒庚扎敵賊悍夷紛紛迭忽噉呀三名立即陣斬該夷見悍酋被戮恐恨異常拚死鏖戰

郝錦富等率隊由中路邵永齡劉鎮湘等由左路楊斌張占魁李修德等由右路各帶勇丁燈附而進該夷悉數攻撲經中路汪期紳先登手刃守礮賊數人砍倒木柵左右兩軍一齊緣柵而上奪據要隘鎗礮環轟刀矛並舉斃賊四五百人生擒五十七名喊殺之聲山鳴谷應逆夷倉皇失措奪路狂奔落崖墜澗不計其數立將黃王寨攻克平毀礮樓八座焚燒蠻棚八百餘間餘匪俱由母狗坡遁入大小谷堆隨著石租吳奇阿番阿陸金區補節阿合熟租板都各支見我兵勇悍勇當於十八九等日率其土目赴營泣求免死李培榮察其情真優加犒賞而庚扎阿黑等支仍恃其人衆地險負隅如故李培榮察看大小谷堆一繞羊腸壁立萬仞爲悍夷膽聚堅巢石卡林立若不盡力攻破恐不足以寒該夷之膽而服其心隨飭張占澄等分督勇丁在黃王寨左右山梁修築土棚成犄角之勢並於菁林中虛豎旗幟設爲疑兵而自率勁勇千名進紮母狗坡相機剿辦並拿獲奸細訊知庚扎搬來涼山悍黨千餘人爲抵死拒敵之計適二十五六兩日大霧瀰漫該夷以我兵難於出擊驕在對山呼跳李培榮見其有恃無恐密派李修德劉鎮湘潛由山徑帶兵埋伏一面令汪期紳等出營誘敵二十八日黎明後夷匪數千蜂擁來撲汪期紳等領隊迎擊哨弁黃保勝帶悍勇數十人殺至山腰猝被飛石打傷腦頂陣亡勇丁丁高全張和保曾占春奮勇衝突生擒庚扎敵賊悍夷譚高迭忽噉呀三名立即陣斬該夷見悍酋被戮忿恨異常拚死鏖

經黃仕明親督洋鎗小隊迴環施放擊斃匪二十餘人守備黃仕瀛躍入賊隊砍斃夷酋三名迭遇兇
酋牛磁阿搖二人乘間用矛刺中小腹登時殞命外委丁高全等三員亦中弩矢陣亡黃仕明忿弟之死
鼓勇大呼立將牛磁阿搖刺殺各夷見悍逆殄除殆盡心膽俱落悉向老林竄逃不虞溪澗深阻隨後拋
擊又斃匪二百餘人生擒二十七名該夷奔逃無路擁擠撲河約數百名我兵追殺二十餘里將大小谷
堆立時攻克平毀堅卡二十三處搜殺著名兇夷十數名生擒十二名是役也傷斃夷匪極多而我軍亦
傷亡三十餘名軍威大震庚扎等望風股栗又見各夷多已投誠勢成孤立中情惶恐卽令夷酋到營呈
懇歸順李培榮以該夷夙稱狡詐根株之盤結既固黠羽之頑悍復多現雖悔罪泣降恐其心猶未死未
經允許因其時積雪封山李培榮仍日日激勵將士鼓勇前進不少休息庚扎等見官軍略不畏難益加
悚懼於本年正月二十四日有庚扎亡弟簡巴喇之寡妻母子同其妯娌孀婦五大人率領黑夷各屬男
女數百邀集已降之揚曲等代具連環保結傾巢詣營伏地哀懇施恩至再至三並願全繳難民軍械以
表真心李培榮見其投誠屬實准其歸順並飭傳立刻往大小涼山互相招集於二月十三日各支夷酋
率領土目千餘人均來營飲血歡盟大鑽牛皮李培榮宣布 朝廷伐叛服柔之德意曉以利害反覆開
陳各夷酋指天誓日永不敢再萌叛志自干誅戮仍各支認輸派令黑夷在雷波總衙門上班當差隨卽

照例賞給鹽酒布疋將歷次擒獲未經斬戮之夷娃等悉交領回各夷感泣歡呼而去一律肅清具報前來臣等查雷波夷地緊接涼山遠近共二十餘支其間庚扎阿黑吳奇石租等支各自爲雄不相統率屢經蹂躪邊疆實屬罪魁禍首歷來進兵剿辦官軍以該處山深箐密進退俱難無敢深入該夷亦從未歸化此次與峨邊雅扎冒狝等支狼狽爲奸出巢滋擾逼近雷城勢極驕張加以界連滇省之永善縣付官村金沙江等處又爲匪徒出沒之區更慮乘機勾結滋蔓難圖自李培榮帶兵剿辦又添募鄉勇引導前驅並約會滇軍嚴密防範阻其勾結竄逸之路籌維布置備極周詳於是節節進剿屢挫兇鋒歷險入深層層掃蕩將田家灣長河塌羊子橋貢王寨等處該夷自恃爲堅巢者悉予焚燬而大小谷堆一戰尤爲得手緣該處險峻異常爲該夷第一要隘歷來官兵所不及到今一旦奪其所恃則扼其死命該夷自知無能爲力自不得不悔罪輸誠計前後殄除悍匪約一千餘名生擒一百八十餘名奪獲牛馬猪羊數百頭柴弓弩箭刀矛一千餘件救出被擄難民男婦數百餘名從前侵佔地方均行收復 天威遠播遂使內外二十五支蠻眾數十萬人動魄驚心歸誠恐後及時戡定雷境全數肅清而用兵不過八月之久實非臣等初料所及且查投誠之簡巴喇嬌婦母子最有膽識伊支人眾均聽指揮李培榮以該夷婦此次深明大義又能約束夷眾事無大小呼應極靈特優給賞需用示獎勵而資箝制復經妥擬督後事宜以

該夷支數過繁議添設千戶二名百戶九名夷兵二十七名酌定章程嚴保甲肅營伍修碉堡平斗秤禁漢奸以及按期關發夷餉責令黑夷上班九條均屬謀深慮遠洞合機宜臣等已飭該屬文武遵奉刊碑永遠照行並委員前往勘明應添餉卡要隘籌款興修則於一勞永逸一面飭李培榮將所募嚮導土勇妥爲遣散歸農用副 聖主綏遠節餉至意此次在事將領員弁枕戈臥雪出入於深林峻坂之中攻深戰苦備極艱辛與用兵內地不同不無微勞足錄謹擇其冒死出力者懇 恩先行鼓勵 上諭恆訓丁寶楨奏剿辦雷波夷務迭破堅巢殄除悍匪邊境肅清請將出力陣亡各員分別獎卹一摺四川雷波烏拋阿忽庚扎等支夷匪於上年九月間出巢滋擾逼近廳城經恆訓丁寶楨飭令總兵李培榮等帶領兵勇節節進剿先將田家灣長河壩羊子橋負王寨等處堅巢焚燬並將大小谷堆要隘攻克殄除悍匪一千餘名各支夷匪悉數投誠地方一律肅清辦理尙爲妥速即著恆訓丁寶楨飭令該處文武將善後事宜妥爲籌辦以靖邊疆此次尤爲出力之總兵李培榮著以提督交軍機處記名請旨簡放並賞換業勇崇額巴圖魯名號遊擊汪期紳著免補遊擊以參將儘先補用並賞加副將銜副將劉鎮湘李修德均著以總兵記名簡放劉鎮湘並賞給振勇巴圖魯名號李修德並賞給壯勇巴圖魯名號參將楊斌著以副將仍留四川補用並賞給克勇巴圖魯名號都司潘澤著以遊擊儘先補用並賞加參將銜守備郝錦富

著免補守備以都司留於四川補用並賞加遊擊銜副將張占鼐著以總兵記名簡放都司黃仕明著以遊擊儘先補用並賞給固勇巴圖魯名號守備劉冠凱著以都司儘先補用並賞換花翎千總毛廷魁著免補守備以都司儘先補用洪成炳等均著以守備儘先補用把總孟廣勝著免補千總以守備儘先補用並賞戴藍翎道員黃錫巖等均著候補班補用知縣吳樹聲著俟補缺後以直隸州知州仍留原省補用縣丞桂斯香著免補縣丞以知縣仍留四川歸候補班前補用並賞加同知銜從九品茂福著免選本班以鹽大使分發省分補用並賞加五品頂戴同知郭培基著免補本班以知府仍歸河南補用郎中嵩運著分部用生員海全著以典史留於四川補用委前鋒文基著以驍騎校記名遇缺卽補縣丞宋安游等均著免選本班以知縣選用知縣董汝明著留於四川補用並賞加同知銜陣亡之總兵向集積守備黃仕瀛外委卿祖訓湯有能丁高全張和保郎正邦賞保勝均著交部分別從優議卹其餘尤爲出力員弁著准其彙案保獎毋許冒濫餘著照所議辦理該部知道○己亥調勅方綺爲貴州巡撫岑毓英爲福建巡撫以林肇元護理貴州巡撫○調鹿傳霖爲四川按察使以張夢元爲福建按察使○召奕榕來京調嵩昌爲庫倫辦事大臣桂祥爲烏里雅蘇臺參贊大臣額爾慶額爲科布多幫辦大臣○以游百川爲順天府府尹○諭軍機大臣等貴州石阡府知府崑玉著岑毓英林肇元悉心察看如竟不能勝任

卽行據實參奏毋稍遲延將此諭知岑毓英並傳諭林肇元知之○諭軍機大臣等臺灣爲南洋門戶防務緊要日本前議琉球一案未允所請該使臣悻悻而去難保不藉端生釁自應思患豫防嚴行戒備岑毓英久歷戎行諳習兵事卽著責成該撫將臺灣防務悉心規畫與何璟會商布置務期有備無患其開山撫番未盡事宜亦當體察情形次第經理以爲久遠之計該撫當隨時前往該郡履勘巡閱實事求是認真整頓用副委任遇有緊要事件卽由該撫親往督辦至福建沿海防務並著該督撫妥籌辦理毋稍疏懈○庚子衛榮光奏請勒限清釐交代從之○予故漕運總督袁甲三於安徽亳州建祠子侍郎袁保恆附祀○諭誠端奏明代陵寢有偷鋸樹株開墾地畝情形並陵內寢殿失去門框等件現將陵戶交州看押各摺片前代陵寢理應嚴爲守護豈容有偷竊私墾情事著順天府督飭昌平州確切根究嚴行禁止仍將查辦情形據實具奏○辛丑命額勒和布爲正使錫珍爲副使恭齋 大行慈安端裕康慶昭和莊敬皇太后遺詔赴朝鮮○壬寅 上詣 觀德殿 大行慈安端裕康慶昭和莊敬皇太后几筵前行禮○癸卯葉蔭防奏近年推廣捐例有大八成大四成各項銀捐班次統壓各班無論選補得缺最易臣愚以爲若專論捐輸固以銀捐爲最優然令統壓正途勞績各項人員似於官方政體未得其平當時需餉方殷故不得不優其班次以廣招徠今捐例已停可否 飭下吏部改定章程將此項銀捐人員止准

列於捐班之前不得統壓各班儘數選補似亦以廉弊吏之一助也 上諭御史葉蔭昉奏銀捐人員請飭改定選補班次等語著吏部議奏○甲辰戶部右侍郎宜振因病乞休允之○乙巳調孫貽經爲戶部右侍郎轉薛允升爲刑部左侍郎以夏家鎬爲刑部右侍郎○丙午兵部右侍郎朱智因病乞休允之○丁未以梅啟照爲兵部右侍郎○戊申 上詣 觀德殿 大行慈安端裕康慶昭和莊敬皇太后几筵前行禮○諭軍機大臣等劉錦棠奏首逆逋誅請飭使臣向俄理論解送一摺劉錦棠以曾紀澤已與俄國另立新約白逆等如何交出未開議及急應執約理論不可置之度外等語白彥虎一事前於二月間據曾紀澤電寄總理各國事務衙門詢及辦法當以此事自須論及應否卽議或俟換約後再議由曾紀澤濟城辦理該衙門由電報傳旨寄復曾紀澤接奉此旨當能相度機宜妥爲籌辦俟曾紀澤奏到時再行諭令劉錦棠知之○諭軍機大臣等有人奏江西水師統領萬重暄素善鑽營不理營務乘坐綠呢大轎所管船隻八十餘號每船扣勇一名月餉又皆減半發放並借巡哨爲名收受各營規禮及一切供應營官向各勇攤派且復大開賭局帶勇各員無不入其局中候補文員亦多赴局又江西南贛鎮總兵王永勝在任以來惟以演劇飲酒囤積販運爲事且慣押優伶並貪賈民間女子入署轉爲販賣等語武職大員有整頓營伍之責宜如何潔己自愛奉公守法茲據所參各節實屬縱佚行同無賴如果屬實大

千軍律亟應嚴加懲辦等語。王麟確切查明據實奏參毋稍徇隱原摺著鈔給閱看將此諭令知之○己酉先是曾紀澤奏臣於七月二十三日因俄國遣使進京議事當經專摺奏明并電報總理衙門在案八月十三日接准總理衙門奏奉 旨著遵電與商以維大局次日又接電稱面奉 諭旨俄事日迫能照前有爭重讓經因妙否則就彼不强中國概允一語力爭幾條即為轉圜地步總以在俄定議為要各等因欽此臣即於是日往晤署外部尚書熱梅尼請其追回布策在俄商議其時俄君正在黑海熱梅尼允為電奏布策遂召回俄嗣此往返晤商反復辯論疊經電報總理衙門隨時恭呈 御覽欽奉四月初五五月十九七月十七三十八月初五等日軍機大臣密寄 上諭令臣據理相持剛柔互用多爭一分即少受一分之害 聖訓周詳莫名感悚臣受 恩深重目擊時艱統籌中外之安危細察事機之得失苟獲稍酬高厚敢不勉竭駑庸無如上年條約章程專條等件業經前出使大臣崇厚蓋印畫押雖未奉 御筆批准而俄人則視為已得之權利臣奉 旨來俄商量更改較之崇厚初來議約情形難易迥殊已在 聖明洞鑒之中俄廷諸臣多方堅執不肯就我範圍彼各有忠於所事之心亦無怪其然也自布策回俄後向臣詢及改約諸意臣即按七月十九日致外部照會大意分條繕具節略付之布策不置可否但允奏明俄君意若甚難相商者臣屢向熱梅尼處催詢各條彼見臣相逼太甚遂有命海部尚書

呈遞戰書之說臣不得已乃遵總理衙門疊次電報言可緩索伊犁全廢舊約熱梅尼又欲臣具牒言明
永遠不索伊犁經臣嚴詞拒絕而微示以伊犁雖云緩索通商之務尙可以商旋接外部照會除歸還帖
克斯川外餘事悉無實際爰據總理衙門電示分列四條照覆外部又與之事事面爭熱梅尼等嫌臣操
之太嚴不爲俄少留餘地憤懣不平布策又以通州准俄商租房存貨暨天津運貨准用小火輪船拖帶
兩事向臣商論臣直答以原約之外不得增添一事雖其計無可施而蓄怒愈深矣臣日夜焦思深恐事
難就緒無可轉圜適俄君自黑海還都諭令外部無使中國爲難於無可讓中再行設法退讓但經此次
相讓後卽當定議云云外部始不敢固執前議於十一月二十六日送來照會兩件節略一件第一照會
言此次允改各條中國若仍不允則不得在俄再議且將外部許臣商改之事全行收回第二照會言交
收伊犁辦法三條節略中則歷敘允改之事約有七端臣請逐款詳其始末第一端曰交還伊犁之事查
原約中伊犁西南兩境分歸俄屬南境之帖克思川地當南北通衢尤爲險要若任其割據則俄有歸地
之名我無得地之實緩索之說誠屬萬不得已之舉否則祖宗創業艱難百戰而得之土地豈忍置爲
緩國臣奉 命使俄後通盤籌畫必以界務爲重者一則以伊犁喀什噶爾兩境相爲聯絡伊犁失則喀
什噶爾之勢孤此時不索再索更待何時一則以伊犁東南北三界均與俄兵相接緩索後不與議界恐

致滋生事端若竟議界又嫌跡近棄地而又慮其得步進步伊犁雖已緩索而滋事之爭執如故也嗣因
挽留布策非將各事略爲放鬆不可遂會西境不提專爭南境相持不下始允歸還然猶欲於西南隅割
分三處村落其地長約百里寬約四十餘里臣檢閱輿圖該處距奧薩山口最近勢難相讓疊次厲色爭
辨方將南境一帶地方全數來歸其西南隅允照前將軍明誼所定之界第二端曰喀什噶爾界務從前
該處與俄接壤者僅正北一面故明誼定界祇言行至葱嶺靠浩罕界爲界亦未將葱嶺在俄國語係何
山名照音譯出寫入界約今則迤西安集延故地盡爲俄踞分界誠未可索崇厚原約所載地名按圖懸
擬未足爲憑臣愚以爲非簡派大員親往履勘不可吉爾斯必欲照崇厚原議者蓋所爭在蘇約克山
口也臣等以已定之界宜仍舊未定之界可另勘吉爾斯躊躇良久謂此事於中國無益非俄所求既以
原議爲不然不妨罷論臣慮界址不清則釁端易啟特假他事之欲作罷論者相爲抵制布策又稱原議
所分之地卽兩國現管之地臣應之曰如此何妨於約中改爲照兩國現管之地勘定乎最後吉爾斯乃
允爲各派大臣秉公勘定不言根據崇厚所定之界矣第三端曰塔爾巴哈臺界務查該界經明誼奎昌
等分定有年追崇厚來俄外部以分清哈薩克爲言於是議改考之輿圖已占去三百餘里矣臣每提及
此事必抱齟齬界定論吉爾斯知臣必不肯照崇厚之議始允於崇厚明誼所定兩界之間酌中勘定專以

分清哈薩克爲主所稱直綫自奎峒山至薩烏爾嶺者卽指崇厚所定之界而言也日後勘界大臣辦理得法或不至多所侵佔以上界務三端臣與外部先後商改之實在情形也第四端曰嘉峪關通商允許俄商於西安漢中行走直達漢口之事總理衙門駁議以此條爲最重疊議商務者亦持此條爲最堅蓋以我之內地向無指定何處准西商減稅行走明文此端一開效尤踵至後患不可勝言外部窺見著重在此許爲商改及詢以如何商改之處則云須各大端商定再行議及臣親詣布策寓所告以事關大局倘不見允則餘事盡屬空談詞意激切布策言於古爾斯於是允將嘉峪關通商仿照天津辦理西安漢中兩路及漢口字樣均允刪去不提第五端曰松花江行船至伯都訥之事查松花江面直抵吉林愛琿城定立條約時誤指混同江爲松花江又無畫押之漢文可據致俄人歷年藉爲口實崇厚許以行權至伯都訥在俄延宕以爲未能滿志也現將專條徑廢非特於崇厚新約奪其利直欲爲愛琿舊約辯其誣臣初慮布策據情理以相爭無詞可對故擇語氣之和平者立爲三策一徑廢專條二稍展行船之路於三姓以下酌定一處爲之限制三仍允至伯都訥但入境百里卽須納稅且不許輪船前往布策均不以爲然適奉電旨責臣鬆勁於是抱定第一策立言務期廢此條約布策猶糾纏不已古爾斯恐以細故傷大局不從其言遂允將專條廢去聲明愛琿條約如何辦法再行商定第六端曰添設領事之事查領

事之在西洋各國者專管商業其權遠在駐紮中國領事官之下故他國願設者主國概不禁阻臣此次欲將各城領事刪去外部各官均以爲怪隨將中國不便之處與之說明吉爾斯謂領事之設專爲便商起見係屬實主兩益之事中國既有不便卽僅於烏魯木齊添設一員如何臣因其多方相礙難再爭而總理衙門電鈔編修許景澄摺內稱科布多烏里雅蘇臺烏魯木齊三處均設領事其次事烏魯木齊烏里雅蘇臺兩處等語臣乃復見布策懇其商改節略內始將烏魯木齊改爲吐魯番餘俟商務興旺時再議添設第七端曰天山南北路貿易納稅之事新疆地方遼闊兵燹之後凋敝益深道遠則轉運維艱費重則行銷益滯招商伊始必限以行走之路納稅之章商販實多未便閱總理衙門來電曾言收稅爲輕臣因將原約內均不納稅字樣改爲暫不納稅俟商務興旺再訂稅章查西例納稅之事本國可以自主日後商情果有起色卽伊犁等處亦不妨逐漸開徵以充國庫以上商務四端臣與外部先後商改之實在情形也此外節略所敘則又有償款一端凡商減之事益於我則損於彼熱柯尼布策等本有以地易地之請臣稱約章事祇可議減不可議增彼遂謂中國各路徵兵顯欲擄俄遺船備邊以相應耗費虛布一千二百萬圓向臣索償且言如謂未嘗交綏無索兵費之理則俄正欲一戰以補糜費等語臣答以勝負難知中國勝則俄國亦須償我兵費彼之言雖極恃強臣之意未爲稍屈旋據總理衙門覆電

囑臣斟酌許之至多不得逾二百萬兩又電言如無別項糾纏統計約五百萬兩償款即可商定云云臣見吉爾斯熱梅尼等始則爭易兵費之名繼則爭減代守伊犁償款之數久之熱梅尼謂遲一年收回伊犁又加還帖克斯川以代守費論至少亦須加盧布四百萬圓臣照會中但允加代守費盧布二百五十萬圓若并歸伊犁西境猶可略議增加吉爾斯不談西境僅稱連上年償款統算非盧布一千萬圓不可臣嫌爲數過多吉爾斯笑曰俄國豈以地出售者果爾則以帖克斯川論之豈僅值五百萬圓乎不過改約多端俄國一無所得面子太不光彩假此以自慰耳臣察其意甚決乃言熱梅尼所說僅四百萬何得又增百萬吉爾斯無詞折辯故節略內仍以添償盧布四百萬圓定數查上年崇厚所議兵費償款盧布五百萬圓合銀二百八十餘萬兩此次俄國認出自華至英匯費則金磅之價較賤合前後盧布九百萬圓而統算之約計銀五百萬兩以內臣綜觀界務商務償款三大端悉心計較與總理衙門來電囑辦之意大略相同卽摘錄照會節略大意電請總理衙門代奏并與外部說明俟接奉電旨後再行畫押一面與布策先行商議法文條約章程底稿逐日爭辯細意推敵稍有齟齬則隨時徑赴外部詳晰申說於和平商榷之中仍示以不肯苟且遷就之意且以有益於中國無損於俄人等語開誠布公而告之於崇厚原訂約章字句陸續有所增減如條約第三條刪去伊犁已入俄籍之民入華貿易游歷許照俄民利

益一段第四條俄民在伊犁固有田地照舊營業聲明伊犁遷出之民不得援例且聲明俄民營業既在貿易圈外應照中國民人一體完納稅餉并於第七條伊犁西境安置遷民之感聲明係安置因入俄籍而墾田地之民以防遷民雖入俄籍而仍有佔據伊犁田土之弊第六條寫明所有前此各案以防別項需索第十條吐魯番非通商口岸而設領事暨第十三條張家口無領事而設行棧均聲明他處不得援以爲例以杜效尤第十五條修約期限改五年爲十年章程第二條貨色包件下添註牲畜字樣其無執照商民照例懲辦改爲從嚴罰辦第八條車脚運夫繞越捷徑以避關卡查驗貨主不知情分別罰辦之下聲明海口通商及內地不得援以爲例凡此增減之文皆係俄臣與布策商草法文約稿之時反覆力爭而得之者較之總理衙門三月十二日所寄廷臣奏定准駁之議雖不能悉數相符然合條約章程計之則挽回之端似已十得七八此臣與古爾斯布策等商量條約章程底稿於節略七端之外又爭得防弊數端之實在情形也十二月十七日接准總理衙門電示奉 旨覽來電均悉該大臣握要力爭顧全大體深爲不負委任卽著照此定約畫押約章字句務須悉心斟酌勿稍疏忽餘依議欽此臣告知外部轉奏俄皇此邦君臣仰慕 皇仁同深欽感俄皇諭令外部允廢崇厚原定約章另立新約又飭催布策速行繕約畫押臣因節略七端之外所爭諸條字句尙未周妥日夜與布策晤談而筆削之直至光緒七

年正月初九日始得將法文約章底稿議定又彼此商訂漢文俄文條約章程各繕二分而將先訂之法
文繕正二分以資考證遂條參酌校對無誤於正月二十六日與外部尙書吉爾斯前駐京使臣布策公
同畫押蓋印訖電請總理衙門代奏仰慰 宸廑又奏 臣與俄國外部改訂條約遵 旨蓋印畫押業於
本日繕摺馳奏在案伏念西洋大小各邦越海道數萬里以與中華 上國相通使臣來往於京城商舶
循環於海上實爲數千年來未有之奇局也交涉愈久歷練滋深是在總理衙門王大臣南北洋通商大
臣出使各國大臣遇事留心盡言勿隱稍有纖毫關繫卽不敢瀆於上 開庶幾 九重因應酌輕重以
咸宜四裔攬馴仰 恩威而胥服 臣於定約之摺擬須宣示內外臣工共或流傳海外是以未敢將委曲
難言之隱據實奏明然 微 臣辦事之難與尋常出使情形迥不相同有不能不瀝陳於 聖主之前者西
人待二等公使之禮遠遜於頭等而視定議復改之任實重於初議原約係 特派頭等全權便宜行事
之大臣所訂 臣晤吉爾斯布策諸人咸以是等頭等有無全權相詰 臣答以職居二等不稱全權大臣乃
彼一則曰頭等所定豈二等所能改乎再則曰全權者所定尙不可行豈無全權者所改轉可行乎 臣渥
承 睿過豈復希非分之寵榮且西洋公法凡奉派之公使無論頭等二等雖皆稱全權字樣至於過事
諸旨不敢擅專則無論何等莫不皆然前大官崇厚誤以師心自用違 旨擅行爲便宜行事之權蓋考

之中國之憲章各國之成例無一而合者也俄人亦未嘗不服誹之及至與臣議事稍有齟齬則故以無全權非頭等之說折臣每言使者遇事不敢自主不如遣使前赴北京議約較為簡捷等語臣亦知其藉此詞以相難非由衷之言也但彼國既以無全權而相輕微臣即不免較崇厚而見絀此其難一也按之萬國公法使臣議約無不候君主諭旨不與外部意見相合而敢擅行難押者固有定而復改之事亦不過稍有出入從無與原約大相逕庭者往歲崇厚急於索地又急於回京遽定遼歸諸多未協外部見臣照會將約中要領痛行駁斥莫不詭為奇談屢以崇厚違旨擅定之故曉之奈彼聞所未聞始終不信此其難二也原約所許通商各條皆布策駐京時向總理衙門求之多年而不可得者崇厚甘受其給求無不應一經難押彼遂據為已得之權再允然商彼即示其莫大之惠吉爾斯賢於布策而不明中俄商情經臣剴切敷陳彼仍茫然不解此其難三也泰西臣下條陳外務但持正論不出惡聲不聞有此國臣民詆及彼邦君上者雖當辯難紛爭之際不廢雍容揖讓之文此次廷臣奏疏勢難緘秘傳布失真之語由於譯漢為洋鋒稜過峻之詞不免激釐成怒每謂中國非真心和好即此可見其端若於茲時忍辱改約則柔懦太甚將貽笑於國人見輕於各國等語臣雖設詞慰藉而俄之君臣懷憾難消此其難四也自籌兵籌餉疊見邸鈔而俄之上下亦惴惴焉時有戒心遣兵船以備戰增戍卒以防邊臣抵俄時彼已勢

成騎虎若仍在俄議事則前此之舉動爲無名故欲遣使督京議約以歸功於海部無怪一言不合俄使卽以去留相要維時留之則要挾必多不留則猜嫌滋甚更恐留而仍去適示怯而見輕此其難五也俄皇始命布策向臣詢問中國意嚮予限一月限滿之時經臣援引總理衙門照會駐京署使凱陽德展限三月之意復請外部婉奏俄皇乃許添展兩月與臣議事我皇上因俄事日逼意在轉圜一切情形許臣由電徑達總理衙門代奏請 旨已屬破格施恩而事勢無常日期甚促有時於立談之頃須定從違臣於未經請 旨之條既不敢許之過驟然既奉轉圜之 旨又不得執之過艱良由自瀝至京無電線以資迅速故雖由電請 旨非旬日所能往返敵廷之詢問益多專對之機權愈滯此其難六也猶幸我朝與俄羅斯通好二百餘年素無纖芥之嫌未歷邊疆之患俄國自攻克土耳其後財殫力竭雅不欲再啟釁端加以 聖明俯納臣言釋放崇厚以解其疑辨結各案以杜其口故其君臣悅服修好輸誠布策諸人雖堅執各條不肯放鬆而俄國皇帝與其外部丞相吉爾斯實有和平了結之意故得從容商改大致就我範圍此則 列聖以來懷柔之效而我 皇太后 皇上公溥慈祥之德有以感動之也臣之私心過慮誠恐識者以爲俄羅斯國如此強大尙不難遣一介之使馳一紙之書取已成之約而更改之執此以例其餘則中西交涉更無難了之事斯言一出將來必有承其弊者竊以爲兵端將開而復息闕

乎生民之氣數而氣數不可以豫知條約已定而可更視乎敵國之邦交而邦交不可以常恃臣是以將到俄以來辦事艱難情狀據實直言不敢稍存隱飾請 旨密飭海疆暨邊界諸臣仰體 聖訓講信修睦之心至誠以待鄰封恩事而全友誼庶幾遐荒悅服永叶止戈爲武之休海宇清平益臻舞羽敷文之盛臣不勝懇切渴望之至欽奉 慈禧端佑康頤昭豫莊誠皇太后懿旨會紀澤奏與俄國改訂約章及辦事艱難情形各一摺總理各國事務衙門奏進呈會紀澤改訂條約章程并地圖等件一摺著惇親王奕劻醇親王奕譞潘祖蔭翁同龢會同總理各國事務衙門王大臣妥核具奏至是王大臣等會同核覆請 予批准從之○諭此次與俄國新訂約章業已批准著派會紀澤屆期互換○開復四品頂戴革職留任丁寶楨仍爲四川總督○以許庚身署左副都御史邵亨豫署戶部右侍郎○順承郡王慶恩卒命貝子毓櫛前往奠醑賜卹如例○癸丑諭惇親王奏 曹祥峪 定東陵應修 神路營房可否派員興修一摺著仍派惇親王敬謹辦理○甲寅 上詣 觀德殿 大行慈安端裕康慶昭和莊敬皇太后几筵前行禮○丙辰戶部奏准順天府府尹咨照具奏查明明代陵寢開墾地畝情形請 飭戶部核議一摺光緒七年三月二十八日奉 旨依議欽此鈔錄原奏暨圖冊清摺咨部核議前來據原奏內稱誠端奏昌平州明陵有開墾明堂以至宮牆左右地畝十餘頃之多是是否升科之處請 飭順天府查明等因

光緒六年九月初九日奉 上諭誠端奏明代陵寢左右有開墾地畝各情一摺著順天府確切查明據

實具奏等因欽此臣等卽飭順昌道督同昌平州親詣明陵周歷查勘各陵寢牆外左右兩旁開墾地畝相距圍牆或二三丈或丈餘以及數尺不等均於牆基尙無妨礙宮門以前明堂正路並無開墾地畝其間有正路兩旁開墾地段亦與正路無礙計造入地糧冊內一頃九十七畝五分又另案旗租地十六畝四分又無糧黑地案內奏准升科地一頃二十四畝四分五釐又續報升科黑地一頃二十五畝二分八釐又甫據呈報未勘明議糧地五畝又試墾甫經成熟未報升科地四十一畝二分四釐又陵戶差地十畝延恩侯收租地一頃三十畝繪造圖冊開具清單臣等查明陵開墾地畝段落在各陵圍牆以外並無開墾除陵戶差地暨延恩侯誠端收租地及民人甫經墾熟尙未升科各地外其餘各地實係歷年升科報部核准入奏徵糧並非民人私墾伏查前代陵外墾地例無不准開墾明文前項升科各地既稱勘明與陵寢無礙應請仍歸業戶承種輸課其甫經試墾成熟各地是否仍准升科此後附近陵外墾地應否禁止開墾之處請 旨飭下戶部核議等因臣等伏查直隸昌平州明代陵寢歷奉 列聖諭飭交地方官隨時稽查小心防護嚴禁樵蘇所以隆禮勝朝者最爲優渥該地方官自應隨時認真稽查何以宮牆左右開地至數頃之多現經順天府府尹繪造圖冊送部臣等按冊查核各項開墾地畝俱在

各陵宮牆左右有距牆二三丈者有距牆一丈餘者有距牆及寶城數尺者且有侵佔明堂正路者宮屬不成事體查大清律儀制條內載職官一品塋地九十步二品塋地八十步等語是品官墳塋尚有限制前代陵寢尤應保全等公同商酌所有昌平州明陵擬請以一百步爲限此次順天府尹單開已葬輪糧旗民各地畝如在一百步以內者一概騰出封禁以後永遠不准開墾以仰體 聖朝保護前代陵寢之意至前項地畝當報部升科時該州並未聲明與明陵相近 部查與升科章程相符卽行核准現在既經查明自應分別辦理各地戶所墾地畝查在宮牆三四丈以外者此次概令騰出應飭昌平州知州在於該州距明陵較遠例准開墾之地另行撥補前數以免失業俟勘明後報部辦理其有墾至明陵牆垣一二丈並近至數尺以內及侵佔明堂正路者該地戶當呈報時已屬含糊越墾現經查明尙應治以應得之罪此等地戶卽勒令騰出毋庸再議撥補以儆愆頑地方官含糊詳報查取職名交部議處至地糧旗租有關奏銷應令直隸總督順天府尹督飭滿昌道令該州查明如實有撥補之地卽將各糧租如數抵補另行造冊報部如現無抵補之項卽將前項糧租照佔用官地之例奏請豁免除冊內所開試墾未報升科並甫據呈報未勘地共四十六畝二分四釐既未報部有案應卽一概封禁相應請 旨飭下直隸總督順天府尹遵照 部此次所議章程辦理自此次清查後應實成霸昌道督飭昌平州隨

時稽查認真防護不得再有墾種情事其陵戶差地十畝延恩侯收租地一頃三十畝究竟始自何年有無闢畝之處亦應由順天府查明咨部辦理嗣後昌平州所屬地方有呈報開墾黑地及報升科各項地畝應令加具並無侵佔明代陵寢切實印結送部核辦 上諭戶部奏查核明陵開墾地畝於陵寢有礙請旨辦理一摺昌平州明代陵寢久經嚴禁侵佔地方官宜如何認真稽察加意防護乃近來宮牆左右開墾地畝至數頃之多並已侵佔明堂正路實屬不成事體著直隸總督順天府尹查照戶部此次所奏章程分別辦理其所墾地畝有在百步以內者一概騰出永遠封禁並責成該地方官隨時稽查不准再有墾種情事用副隆禮勝朝至意○丁巳岑毓英奏黔省武職俸廉抵捐請展限一年下戶部議奏○戊午諭護軍統領恩麟等奏東華門樓隔扇有撬開情形武備院奏東華門樓收存盔甲損失各一摺禁城重地竟有匪犯潛行偷竊實屬不成事體著步軍統領衙門順天府五城御史一體嚴拿賊犯務獲送部審辦失去盔甲數目若干著武備院確查具奏並著前鋒統領護軍統領將疏防之值班官兵查明參辦嗣後務當督飭該官兵嚴密巡察加意看守勿得稍有疏懈○己未諭銘安等奏請添設副都統及建道衙署各摺片吉林琿春地方遼闊向歸寧古塔副都統管轄相距遙遠該將軍等請添設大員以資統率係為因地制宜起見著照所請添設琿春副都統一員其應籌關防並支給俸廉等項改設官缺建造

衙署各節均著照所議辦理其餘未盡事宜著該將軍等體察情形詳議具奏○奕譞奏本月十八日軍機大臣面奉 慈禧端佑康頤昭豫莊誠皇太后懿旨左宗棠奏敬籌現調各營先修水利暫緩練兵事宜一摺著醇親王奕譞酌核具奏欽此欽遵傳知 微臣竊思直隸地勢高原遇旱則一望赤地卑隲遇澇則頓成澤國誠宜挑淤導流先除水患然後注畎闢荒以興水利左宗棠以練軍可緩先事開濬洶屬權衡得當伏查乾隆九年大學士鄂爾泰等議覆御史柴潮生條陳疏稱查北方地勢平衍原有河渠淀泊水道可尋如聽其自旱自雨自盈自涸淫潦則沈浸爲災炎烈則曠乾是患有水無利而獨受其害柴潮生所奏誠非無據惟是欲興水利必使全省之地形水道脈絡貫通以圖經久決非旦夕所能奏效等語得 旨畿輔興水利乃地方第一要務必簡用得人始能有益無弊總督高斌事件煩多難以專心水利之事協辦大學士吏部尚書劉於義曾任直隸總督及布政使於閩省情形素所練習若與高斌悉心籌畫經理自可成利濟之功而收永遠之效著劉於義前往保定會同高斌詳加計議酌定條規將來興修之時二人同心合力督率辦理務有成效以副朕望 成憲其在允宜法守雖鉅款一時難集然有此力任其難之大臣與嫻於挑濬之勇隊機不可失似以試辦爲宜但能不計近功不責速效自無愆乏中止之虞矣至該大學士原奏所慮阻撓異議各節誠不能保其必無然事理苟得其平雖常人難與謀始但

有成效可觀日久未有不翻然樂從者初不在攝之以勢服之以力也又查雍正年間初興水利時懲辦
造言惑眾之劣生于超等一案係由署直隸總督宜兆熊等參奏營田工員梁文中枷號工所一案係由
怡賢親王等參奏足徵當日王大臣同心合力各無偏袒用成偉績今左宗棠老成謀國沈毅有爲李鴻
章職任圻圻責無旁貸定能和衷商辦籌畫周詳臣於水利一事素未講求既以徒擁虛名爲恥又以無
補於事爲懼十九日仰蒙 召見披瀝懇辭未邀 俞允散綬 皇太后軫念民瘼平治水土至意曷敢
再行瀆辭然事同創舉終非厝鈍如臣者所能經理合無仰懇 慈恩飭令恭親王奕訢總司其事俾臣
得以隨同學習於事自多裨益 上諭欽奉 慈禧端佑康頤昭豫莊誠皇太后諭旨前據左宗棠奏擬
調各營先修水利當諭醇親王奕訢酌核具奏茲據奏稱興修水利一事機不可失事同創舉請飭恭親
王奕訢總司其事等語該輔水利自雍正乾隆年間興修後歷年既久地勢河道今昔異形旱澇無從蓄
洩關係民生甚爲重大自應即時籌辦著派恭親王奕訢醇親王奕訢會同左宗棠及直隸總督李鴻章
兼管順天府尹童華等妥議章程奏明辦理○庚申諭給事中樓譽曾奏直隸安州雄縣新城地方近
有匪徒勾結蠶役私立卡局抽收船戶錢文名曰船頭勒索行旅大爲地方之害請飭嚴禁等語該處爲
往來通衢豈容匪徒私立船頭名目擾害地方著李鴻章飭屬查明一律嚴禁以恤商旅○是月比利時

國新簡駐華使臣諸丹船抵任

光緒四十一

臣朱壽朋敬編

臣潘鴻鼎恭校

五月壬戌朔恭錄奏奴才熟思烏魯木齊都統及所屬領隊大臣今昔情形其弊在於不能認真其原因於用項支絀從前都統領隊各衙門因廉俸不敷用度遂取給於所屬官員一粟一絲皆由歸州縣官按時供給不惟廉俸無須動用且有於供給之外濫收節餉陋規銀兩以飽私橐者該歸州縣支放兵餉則任意剋扣採買兵米則任意浮買加以科斂商民賄賣詞訟恃為補虧取盈之計馴至兵民交困釀為亂階其所由來者漸矣值此地方新復將欲整綱飭紀砥節礪廉當自都統領隊始若非酌辦公費以資津貼而欲其屏絕苞苴講求實効勢將空談終歸無補而積習必不能除烏魯木齊額設都統一員所屬領隊大臣五員除各員俸銀俸米為數無多不計外計都統歲支養廉銀二千三百八十八兩本城領隊大臣歲支養廉銀七百兩庫爾喀喇烏蘇領隊大臣歲支養廉銀八百兩自關內用兵以來關外協餉不繼廉俸減成支領既有無從支領嗣經前署伊犁將軍榮全具奏新疆將軍都統大臣歲支養廉均以八成實銀支給經戶部議准行知在案此後都統養廉每歲應領實銀一千九百十兩四錢領隊養廉每

歲應領寶銀五百六十兩六百四十兩不等新疆僻處西陲地多戈壁除米麪價值尙輕外其餘貨物無一非來自內地轉運幾至萬里價值昂至數倍兵燹之後商販尤稀貨物益貴以每歲之俸廉供每歲之支出出入之數不敷甚多借貸騰挪心志紛擾於此而言整飭公事亦難矣奴才到任以來有鑒前車屏除供應過事尙可破除情面惟思烏垣各屬從前收受陋規而地方因以糜爛近今因無陋規而辦公又甚拮据自當設法變通爲公私兩益之計奴才以爲欲使各員修其職守必爲各員籌其經費內地如浙江福建安徽江蘇江西裁革節餉規酌給公費奏請奉行幾二十年並無流弊近年如河南山西奉天吉林亦均照辦仰見 皇上體恤臣工請求實政之至意新疆都統領隊與內省將軍督撫司道事同一律似應仿照辦理前經督臣左宗棠迭次奏請改設行省如此議業經奉 旨准行則奴才此請自可作爲罷論倘成法未容盡更滿員尙仍其舊則都統有統轄文武之權領隊有督理操防之責既使任重又使患貧操守不嚴者恐不免仍蹈故習與其任令貽爲使餽貽誤地方莫如使之顯被 恩施激發志氣奴才悉心籌畫都統領隊衙門擬請仿照內地各省酌給公費章程籲懇 天恩自本年正月起將烏魯木齊都統一缺每年加給公費銀六千兩所屬領隊大臣每年各加給公費銀一千兩俾得不憂內顧專心辦公任事各員具有天良既蒙逾格 鴻慈益當力圖報効倘有不知自愛之人仍敢於廉俸公費外

私有收受則重治其罪以爲貪得無厭者戒似此勸懲並用庶幾地方公務可期日有起色矣卜戶部議奏○癸亥予山東膠州貢女楊王氏旌表○甲子彗星見東北方○予故戶部右侍郎宜振祭葬○岐元富陞奏金州旅順口水師營戰船年久失修不堪駕駛請飭部咨行南省另造新船迅速解送以備巡防下工部知之○予湖南湘陰縣烈婦劉李氏旌表○乙丑以棍徒兇林沁署鑲白旗漢軍都統以崇禮兼署戶部右侍郎○丙寅 上詣 觀德殿 大行慈安端裕康慶昭和莊敬皇太后几筵前行禮○劉錦棠奏查安集延逆酋阿古柏佔據新疆十有餘載弱肉強食民氣益蹙向來纏回殺死人命均由兇犯出買命銀數兩至數十兩不等給與屍親從無抵償之說阿古柏惟利是圖變本加厲以致殷實土蒙視殺人爲兒戲而搶刦之風亦因之日甚 上於光緒三年由托克遜進規南路每克一城卽傳集該地民人宣布 朝廷威德飭令蕩滌汚俗共保身家並責成各頭目挨戶勸導如仍前不法罔知悛改立即扭送懲辦頭目容隱不報一經查出併行究治續經大學士前陝甘督臣左宗棠譯刊 聖諭十六條附律例易解一卷刷印多本分發各城義塾及大小伯克頭目誦讀講解並令傳告鄉民共知觀感察看近日情形從前貪忍驚悍習氣似已稍戢間有惡不畏死殺斃一二命與夥衆持械搶刦訊明供證贓物確鑿無疑法難曲宥者以地方甫經收復民志未定卽依軍法就地儘法懲辦其情節稍輕之犯分別擬以管押繫

桿枷號管杖並酌量時日久暫管杖多寡取保釋放案結後均摘敘案由及辦理各節譯繕簡明通俗告示張貼市鎮通衢並犯事地方俾頑梗兇徒見之互相傳述冀可收革面洗心之效惟南路各城相距近者數百里遠者一二千里郊關之外大都戈壁險灘往往行數日程渺無人烟解犯就道時有戒心非節次派勇防護不可自吐魯番以西僅有善後總分各局向無州縣及例設監禁書役卽略知例案之幕反亦因離家爲遠視爲畏途無從延請是以平日辦事既乏襄助之人遇有過往人犯收管局內又不免疎失之虞北路雖設有印委各官而舉目荒涼民氣未復亦與南路情形大略相同且查新疆戶民種類繁多風氣不一語言文字制度儀文衣冠嗜欲各自爲俗南路以纏頭布魯特族類爲最重蒙古次之漢回又次之北路以哈薩克族類爲最重蒙古漢回次之纏頭又次之而滿漢子遺之民則兩路均寥寥無幾該民人等久違 聖教初就範圍以牧羣之馬一時雖勉受羈勒其奔軼之性究難猝除臣再四思維惟有於犯案到關後勸諭結擇其尤不法者立予痛懲庶各種莠民咸生畏懼若泥於文法不遠數千里輾轉解勘不獨繁解收管事事爲難而遷延日久縱將重犯處以嚴刑愚民事過卽忘亦將熟視無覩不足以震動其心昔漢朝初定關中除秦苛政約法三章殺人者死傷人及盜抵罪厥後班超平西域亦誠受代之任尙以水清無大魚察政不得下和宜蕩佚簡易寬小過總大綱任尙不從卒至變叛記云修其

教不易其俗齊其政不易其宜誠以軍旅之後荒遠之區尤當蠲除煩苛與民休息不可以常例拘也伏查乾隆元年平定黔省苗疆開設郡縣欽奉 諭旨苗民風俗與內地百姓迥別嗣後苗民一切自相爭訟之事俱照苗例完結不必純以官法等因欽此仰見我 高宗純皇帝慎重邊疆 聖意淵深無微不至雖新疆久入版圖似非初開苗疆可比然道里綿長登站疲困種類錯雜俗尚紛歧欲一旦用夏變夷遽臻上治實未易言 臣上年在喀什噶爾行營曾將命盜案辦法咨商左宗棠旋准咨覆歷代撫馭邊氓立法最宜簡易現在所辦各節因地制宜本無不合惟草創伊始應俟改設行省後由新疆督撫體察情形奏咨辦理刻下如有前項案情卽飭各善後局員酌量擬辦覆核遵行等因咨行到臣左宗棠旋卽交鄧北上臣自維資質庸愚不諳吏事驟膺拔擢極揣 欽符並奉 特旨暫轄哈密鎮迪道所屬文武地方官職任愈重兢惕滋深而改設行省又非一時所能就緒區區愚昧之見不敢緘默不冒合無仰懇天恩俯念萬里窮邊與內地省分情形不同 飭將新疆南北兩路命盜案件暫行變通辦理俾得就地迅速審擬完結由 臣按季摘由彙奏一面咨部立案似於撫治邊防大有裨益得 旨允行○丁卯以瑞芳爲熱河正總管○岑毓英奏 臣於光緒七年四月二十五日欽奉 諭旨調補福建巡撫當卽恭摺叩謝 天恩專弁領觴北上同日又承准軍機大臣字寄四月初八日奉 上諭臺灣爲南洋門戶防務緊

要日本前議琉球一案未允所請該使臣快快而去雖保不藉端生釁自應思患預防嚴行戒備岑毓英
久歷戎行諳習兵事卽著責成該撫將臺灣防務悉心規畫與何璟會商布撤務期有備無患其開山撫
番未盡事宜亦當體察情形次第經理以爲久遠之計該撫當隨時前往該郡履勘巡閱實事求是認真
整頓用副委任遇有緊要事件卽由該撫親往督辦至福建沿海防務並著該督撫妥籌辦理毋稍疏懈
等因欽此仰見 聖謨深遠 訓誨周詳臣跪讀之餘莫名欽服伏念閩疆重地防務孔殷臣猥以衰庸
深虞隕越惟有竭盡心力不敢鹵莽亦不敢因循擬卽起程迅到新任卽往臺灣查看情形將沿海防務
及開山撫番事宜與督臣何璟和衷商酌盡心布置以紓宸慮惟日本國使臣既悻悻而去誠如 聖
明洞鑒難保不藉端生衅亟宜思患預防夫用兵之道必使將識兵心兵識將意如身之使臂臂之使指
方能運揮自如臣初到閩疆將弁優劣遽難周知誠恐倉猝之際用人不當致誤機宜再四思維不得不
酌帶隨員親兵以備緩急查黔省額設馬步戰兵一萬六千六百六十二名守兵一萬六千四百九十二
名通共三萬三千一百五十四名外屯兵八千九百三十九名臣前以各勇營改補馬步戰兵作爲練軍
並將守兵照額挑補訓練年餘技藝頗熟各衛屯兵亦經委員整頓臣與護撫臣林肇元會商現在黔省
地方又安兵多餉絀堪以抽帶臣擬於練軍之安設松桃等營內挑選精銳二千名作爲親軍小隊不露

調兵名色於防備之中仍寓鎮靜之意查記名提督何秀林吳永安蔡標楊國發劉興提督銜記名總兵雷應山請補松桃協副將楊國寶記名總兵請補黎平營參將丁槐記名總兵雲南楚雄協中軍都司張繼聲總兵用留黔補用副將何秀峰王家彬等皆身經百戰堪資臂助擬將挑選之兵卽派何秀林等嚴密安靜陸續分帶赴閩以備調遣所需口糧仍照綠營定制並遵軍需則例加給行糧鹽菜夫價等項統由閩省欠解協餉項就近撥發不必另籌俟撤防之日各歸原營無須遣散安置在黔省少此二千練軍餉力亦可稍紓似屬兩得其便得旨如所請行○刑部奏查定例各省審理案件尋常命案限六箇月盜劫及情重命案欽飭事件並一切雜案俱定限四箇月其限六箇月者州縣三箇月解府州府一箇月解司司一箇月解督撫督撫一箇月咨題四箇月者州縣兩箇月解府州府州二十日解司司二十日解督撫督撫二十日咨題如案內正犯及要證未獲情事未得確實者題明展限按察使自理事件限一箇月完結府州縣自理事件俱限二十日審結上司批審事件限一箇月審報若隔屬提人及行查者以人文到日起限如有遲延情弊該督撫察參該督撫將遲延各官徇情不行題參察出一併交部議處又官員審查命盜欽飭事件及一切雜案內有餘犯到案因正犯及要證未獲情詞未得或盤獲賊犯究出多案事主未經認賊必須等候方可審擬或因隔省行查限內實難完結者承問官將此等

情由預行申詳督撫分別題咨展限若正犯要證及盜竊案內首重人犯已經到案間有餘犯未獲者卽將現獲之犯據情研審按限完結不得藉詞展限亦不得延至日久應就現犯審結之日起限若承審期內遇有續獲之犯如到案在州縣分限以內者卽行一併審擬毋庸另展限期如到案已在州縣分限以外不能併案審擬者將續獲人犯另行展案扣限四箇月完結如間有續犯到案時在州縣分限將滿者亦不得逾違統限該司不遵定例嚴加查核聽其藉端遲延扣展限期者承審官及各上司俱交部分別議處各等語又道光十七年臣部議覆湖南省奏請將咨部展限案件酌定章程摺內擬請嗣後各省審理命盜雜案遇有詳請展限者均由該督撫督同按察使親提人證覆行查審實係不能依限完結方准咨請展限若案本易結毋庸展限者卽將坦詳之員據實嚴參其距省爲遠州縣遇有詳請展限者查照秋審解勘之例由該管道員提審轉詳倘有徇隱情弊經該督撫查出一併嚴參等因奏准通行並於二十五年臣部議覆御史曹鼎泰請查禁朦混承審限期摺內申明通行各在案是州縣承審命盜等案例有審限必實係因要證未獲不能定案者始准咨部展限立法已極周詳無如地方官因循疲玩幾成錮習雖按限審結題咨到部之件亦所時有而藉詞延宕任意耽誤之件竟至十居七八甚有捏改日期及延擱數年之久並不預行題咨展限或於託詞展限後仍復置之高閣者承審接審及該管上

司或吏數人易滋朦蔽臣部無從得知追經題咨到部又復隨意騰挪捏詞扣展不曰往返駁查即曰迭次委審以致情重之犯久稽顯戮死者已含冤莫伸其情輕之犯則又縲紲多年不得早邀曠典且其間原被守候湯家破產輕罪千連日久痠斃甚至小案釀成巨案一案分爲數案愈出愈幻弊難勝言殊非慎重刑章之道伏查道光十二年六月十四日欽奉諭旨大學士軍機大臣會議著英其奏察吏明刑一摺嗣後刑部辦理案件無論奏題咨案著每月將現審若干件開具略節註明收審月日於月終具奏一次並著將月摺交該科道與每月註銷清冊逐件核對按限詳查如有遲延逾限及遺漏外錯之處著據實劾參卽無前項情事亦著按季覆奏一次其收審日月應以人犯到部及提傳到案之日爲始不得俟該司坊申報弋獲無期文書到部始行起限至犯病扣除者著照外省之例不得過一箇月以杜規捏等因欽此欽遵至今勿敢失墜臣部藉省遲延之咎犯證藉少滯淹之苦洵屬法良意美而外省州縣命盜等案只詳報至該管督撫而止並無別衙門稽察遲延逾限未必不由於此與其查多於後致官軍議而人已罹其殃何若稽查於前俾官寡過而人可蒙其福京外事同一律縱須稍有變通不宜大相懸殊似應仿照臣部現審案件每月造冊移送科道按限稽核章程辦理庶昭周密而免遲延臣等公同酌議擬請嗣後各省州縣除錢債戶婚田土細事及尋常徒罪以下應由外結例不專咨報部者毋庸造

冊仍令該管上司照例稽查外凡命盜等項例應題咨各案飭令各州縣於通報之後依限詳由該督撫彙齊於下月開單具奏並按月咨報臣部查核如有隔省隔屬提傳要證行查等事必須展限者由該管官核明隨時咨部一有逾限不結等情臣部即可按冊查明行催如蒙 俞允並請明降 諭旨飭下各督撫將軍都統府尹迅將現在各州縣詳報未結命盜等案先行造冊咨部以後即按照臣部定章按月造報以憑稽核勿得日久視為具文仍督同臬司遵照例定期限妥速審結不得藉口人證不齊耽延歲月並於審結之時將例限起止及有無遲延於題咨內逐細聲明再由臣部按冊稽查倘有任意逾限立予嚴參如此互相稽核庶承審各官共知警惕可稍除積壓之弊矣 上諭刑部奏各省命盜案件辦理遲遲酌擬稽查章程請旨辦理一摺各省辦理命盜案件本有定限其承審遲延者分別議處定例參嚴近來各州縣往往藉端延宕任意耽誤甚至捏詞扣展延擱數年積壓朦混弊端百出殊非慎重刑章之道自應彙總稽查以期周密著各直省督撫等自此次奉旨之日起先將現在各州縣詳報未結命盜案件造冊咨部嗣後命盜等案例應題咨之件著於各州縣通報之後由該督撫等彙齊造冊按月報部一次毋得視為具文如查有遲逾等弊該部立即嚴參以儆玩泄○戊辰恆訓托克湍奏請撥成都開散八旗移防杭州會商辦理情形得 旨該部議奏○己巳治安額爾慶額奏前因督省廢報災祿餉項分別

停解科城經費毫無著曾於上年八月間奏懇 天恩 飭部籌墊二年請由該省解歸部款嗣准戶部覆稱議奏兩次共銀五萬五千兩作為本年四月起截至七年三月底止一年餉需等因查此項銀兩係數滿綠兩營卡倫臺站各項官兵一歲度支又奏准復設卡倫等項官兵錢糧應加添銀兩各苗欠解之款並無報解音耗曾於上年十一月間附片奏請 飭部籌撥有著之款等因奉 旨戶部議奏欽此茲據本年三月初九日接准戶部咨覆內稱該大臣附片奏卡倫城旗綠戍守兩營屯田明阿特額穆特及四路臺站卡倫各項蒙古官兵及奏調差遣人員每歲必須餉銀六萬五千兩請籌撥有著之款一節等因查此項經費銀兩係山西省按年應解專款現在該省年穀順成錢糧照常徵收應請 飭下山西巡撫嚴飭藩司迅速籌撥並將同治十年以後所欠之款陸續補解毋得貽誤等因議奏奉 旨依議欽此咨覆前來奴才等伏查上年戶部墊發一年經費銀五萬五千兩已經截至本年三月止全行放盡若遵照部議專候山西省批解實屬緩不濟急如該撫臣接到部文即解則今年內能否解到尙無把握且屢接山西撫臣函開自災後徵收未能照常俟徵有成數即當籌解等語奴才等思維至再是山西省應解之款此時斷難專恃而科城官兵實難懸釜待炊現在需餉急切又值青黃不接籌措無方甚為可慮奴才等亦深知庫款支絀何敢再請部庫墊撥無如科城邊防緊要外省解撥緩不濟急所有官兵難

以枋腹差操奴才等晝夜焦灼萬無方法不得不據實奏陳仰懇 天恩俯念邊疆瘠苦士卒堪憐請

旨飭下部臣卽自本年四月起連開計至明年二月底止再爲借墊一年經費銀五萬五千兩仍由山西

撥還部庫下戶部議奏○恭錄奏烏魯木齊各屬向係綠營屯田完繳租糧以供滿營食用詳推立法初

意原使滿營弁兵專練藝以成精銳無如日久弊生該弁兵等不惟鄙棄農工漸亦不嫻武事是予以寬

閒之日正長其懶惰之心轉不如兼辦屯田尙能練習勞苦也坐食租糧每年止有此數設遇餉項缺乏

不免凍餒之虞若自行屯田但能實心經理不憚勤勞收穫尙可倍蓰實有裨於生計烏城滿營舊存弁

兵及奴才由南路招集弁兵向均不諳稼穡屢飭該協佐防校等督率兵丁認真屯田以除坐食積習當

可漸收實效惟思此項地畝非制爲定數不足爲久遠之謨非分給本人恐易敗推諉之漸近來餉項支

絀滿營拮据似應酌量授田以爲務本之計查奉天及吉林之雙城堡滿營弁兵均有隨缺地畝近日三

姓地方亦經吉林將軍銘安等奏請照辦實爲根本至計烏城滿營事同一律自可仿照辦理除都統領

隊業經另摺請加公費毋庸再撥地畝外奴才擬請撥給協領輕車都尉隨缺地畝每員二百四十畝佐

領騎都尉每員二百畝主事每員一百八十畝防禦雲騎尉每員一百六十畝驍騎校恩騎尉部缺筆帖

式每員一百四十畝前鋒校委筆帖式每員一百二十畝前鋒催領總催領每名一百二十畝馬兵每名

八十畝碾手匠役匠步軍養育兵每名六十畝均於舊滿城內外暨新滿城附近地畝照數撥給現在并兵無多撥給地畝固屬綽有餘裕將來遷移巴里坤等處并兵聚族而居如兩城附近地畝不敷卽於奴才五年秋間奏明新開南山富順渠地內量爲添撥仍不至侵佔民地將來籌辦之時畫定界址設立封堆永爲定制並嚴禁與民爭水爭地免滋事端下戶部議奏○庚午奕訢景瑞奏恭詣 普祥峪 定東陵敬謹察勘各項工程先將大略情形由驛陳奏報聞○辛未 上詣 觀德殿 慈安端裕康慶昭和莊敬皇太后几筵前行禮○周恆祺奏東省候補人員過多請暫停分發以資疏通下吏部議○壬申 上詣 觀德殿 大行慈安端裕康慶昭和莊敬皇太后几筵前行禮○諭杜瑞聯奏特參濫刑斃命之知縣請革職嚴審一摺雲南江川縣知縣文倫於提訊縣民李九高魯萬全王玉印控告馬夫一案輒卽妄加刑責致李九高等三名均因傷斃命猶復捏報病故冀圖諱飾實屬任性妄爲濫刑酷虐文倫著先行革職交該督撫嚴審定擬從重懲辦嗣後各直省閭閻刑官員於承審案件務當悉心推鞠俾得實情倘敢任意刑求玩視民命定當執法嚴懲決不寬貸○癸酉左宗棠奏鴉片產自泰西印度地方由英國商人轉販而來流毒中國名爲洋藥其患中於市廛衙署凡中人溫飽之家游佚燕懶子弟聚賭而嬉用以遺日比吸食有癖積漸成癮癮重而形神交瘁於是貧傾家破而身命隨之內地罷民拋棄穀蔬宜爪

果腴地以種鴉粟剗果取漿名爲土藥其患先中於鎮集鄉村凡食貧力作之人游手無聊之輩久且視爲尋常日用所需不知禁令爲何事於是吸食者多洋藥之銷路亦日益暢從前各海口每歲進洋藥三萬餘箱嗣漸增至五萬餘箱近聞且增至七萬餘箱矣而洋藥之價前時每箱白斤售銀七百餘兩近聞已減至五百餘兩是銷路之暢由於貨價之減可知也而洋人心計之工亦可知於此而嚴吸食與販之禁法輕則易犯令峻又難行者奉行不得其人非徒無益也臣前督陝甘先以禁種鴉粟爲務飭令各屬隨時查拔以清其源遇有洋藥入境則標識封存行棧勒由原路折回不准在地銷售其故違者察出焚之通衢已著微效惟此法行之一方爲宜若統籌全局則令其由原路折回滯於此者或銷於彼仍爲不了之局詳察事宜斷非加洋藥土烟稅捐不可稅捐加則洋藥土藥之價必貴價貴則應輕者必戒應重者必減由減吸以致斷癮尙有可期若徒恃空文禁制則丁役之弊案官吏之欺隱由此而生案牘紛繁訟獄糾繞特恐政令不行而閭里騷然未覩嚴禁鴉片之效而先受其弊也自古整齊世宙不能無藉乎政刑政刑之用窮不能不劑之以罰周課田功有里布夫家之罰漢重酒禁有誤酎免侯之罰其明徵也近如海國土產出口輒按其成本而倍征之英人於嗜好之物更加征兩倍亦與贖刑遺意相近況加征洋藥土烟稅捐意在加價減癮以期坊民正俗復厥本初多取亦不爲虐且議加者中國吸食之價非取

之出產之地與外國興販之徒權自我操誰能過問稽經詠律理有同然而措正施行又無煩再計決也
奉 命與商各國事務以無可辭曾於接晤英使威妥瑪時論及鴉片宜加征稅釐冀可減癮威妥瑪
亦無以難之適李鴻章至曾赴總署與威妥瑪會商二次李鴻章又獨與威妥瑪晤商一次威妥瑪意
見不同語多反覆而於加價一節尤斷斷然若重有所惜者曾等如從其後議以每箱八十兩為定則加
數甚微不但癮無由斷適足為興販洋藥者展其銷路而內地種植藥販土烟者得以藉口并加征捐釐
亦多窒礙是與增稅捐期收實效本謀大相刺謬而其事且有所難行茲擬總口原征洋藥進口每百
斤稅銀三十兩仍由總口征收毋庸置議外其總口釐捐由中國自辦於總口附近地方設立總局遴委
廉幹大員總司洋藥釐捐凡洋藥進口完納稅銀後聽洋商分銷各口或留存趸船或起存棧稅務司
查明箱數報知總局覆驗登簿蓋印設立三聯崇一存總局為崇根一填發稅務司為備核驗崇一給洋
商為運銷各口驗崇三聯騎縫鈐印編列號數彼此執存輪流互核遇有偷漏及土烟夾雜諸弊毋難一
覽而知似此銷路既清議禁可得而施市價相若稅釐可得其實以言增加稅釐期收禁烟實效庶有當
焉至於加稅增釐捐辦法各有攸殊或議於總口征洋商之稅即併內地應捐之釐而加征之是為合辦
或議於總口照稅加釐外於內地分銷各口加征華商之釐是為分辦兩者更諸一是 朝廷執中有權

推之而準與洋人毫無干涉按照現行釐章於兩起兩驗中寓周代徹惻農漢世嚴酒禁遺意每洋藥百斤統稅釐合計征實銀一百五十兩理法均得其平雖較之洋法土產貨物出口照本征稅其嗜好之物進口征加兩倍輕減為多而以古昔刑薄斂之議論之固考之不謬而質之無疑者也若內地私種鴉粟所造土烟行銷浸廣應卽照洋藥稅則加捐示罰惟土烟味淡氣薄吸者弗尙其價值亦較洋藥為輕釐稅之加未宜與洋藥一律如按其觔重價值洋藥推算議加乃與罰捐之意允協而貧難之民因惜費而減慾其實效亦復相同區區之愚竊謂嚴禁吸食鴉片本坊民正俗要圖近因市價日減吸食者日多為患亦愈積而愈甚於此而思禁制之方實非加洋藥土烟稅捐不可其所以議加稅捐者非僅為聚斂財起見古者取民有制征斂固宜從其輕而由今之道思變今之俗道在禁民為非則稅捐示罰有不得不從其重者追批俗滌除民無天札弊盡而利自生其效將有可觀寔取於富強之術功利之謀也伏懇 皇太后 皇上下臣此疏飭王大臣六部九卿公同集議擇別是否縷陳具 奏並請 飭下各督撫將軍監督將所屬洋藥銷數原定稅則捐釐款目現因偷漏減收情形及鴉粟土膏銷數兩起兩驗章程逐加稽察與夫議加稅釐辦法據實覆陳統限奉 旨一月後覆 奏務期齊心振作以收正俗坊民實效天下幸甚 上諭軍機大臣等左宗棠奏禁食鴉片請先增洋藥土烟稅捐以收實效一摺鴉片

流毒中國爲害甚深近因民間吸食愈多銷路愈廣於國計民生大有妨礙朝廷軫念時艱何難申明禁
令齊之以刑惟慮墮溺既久輿販吸食之徒日衆空文禁制既屬徒法難行訟獄滋繁又將別增掣累左
宗棠所奏擬加征稅釐參用罰懲遺意冀可漸挽頹風不爲無見各省原定洋藥釐扣本較洋稅爲重乃
總計所收釐金竟遠不及進口之稅是承辦各員奉行不力減成折收任令奸商隱匿偷漏巡役包庇分
肥所致情弊顯然左宗棠所擬每洋藥百觔統稅釐各計共征銀百五十兩內地土烟價值較低稅釐准
照洋藥推算征收亦尙平允此項係取之於吸食鴉片之人與華洋各商並無干涉著南北洋大臣福州
將軍各直省督撫粵海關監督將各關口及地方情形詳細體察將稽查征收章程悉心妥議於一月內
覆奏候旨定奪此事務必行該大臣等當熟籌辦法期於大局有裨實爲至要原摺均著抄給閱看將
此由五百里諭知南北洋大臣福州將軍各直省督撫並傳諭粵海關監督知之○張樹聲奏粵省洋面
遼闊港汊分歧私鹽日益充斥官引因而滯銷先經前督臣勞崇光奏准在於江北清遠縣屬白鵝地方
添設排船製備鎗礮遇有大夥私梟持械拒捕准其施放抵禦照例格殺勿論光緒四年間又經前督臣
劉坤一於奏辦私鹽案內將置造輪拖等船配給洋快鎗礮分布虎門內外嚴密堵緝各情陳明在案惟
念此等亡命之徒專以販私爲業恃其船堅礮利熟習波濤結幫連檣肆行無忌遇有緝私船勇動輒逞

兇拒捕開礮迎敵若不嚴加懲創不獨於鹽務大有關係且爲地方隱憂臣伏查例載江西省行銷准鹽各州縣並山西省河東鹽池地方派出緝私員弁兵役准其攜帶烏鎗官編字號給發遇有大夥私梟持械拒捕許令施放抵禦登時格殺者照罪人持杖拒捕登時格殺律勿論等語近來粵東鹽務廢弛日甚一日而奸販之輩亦復愈聚愈多凡夫行銷粵鹽各引地大抵民情刁悍積慣販私毫無忌憚蓋緣嶺海阻深歧路紛出私販既到處可充梟徒輒恃衆抗拒現值整頓鹽務請求緝私之際亟應援照成案申明定例分別辦理俾期梟匪斂跡官引暢行據兩廣鹽運使段起廣東按察使倪文蔚會詳請奏前來相應請旨俯准援照江西等省成案於粵東內河外海以及行銷粵鹽各省引地遇有大夥私梟聯幫闖越執持火器抵禦登時格殺勿論其非大夥私匪及並未執持火鎗軍械拒捕者祇准照案捕拿分別擬辦不得概行施放鎗礮以示區別而防流弊仍俟數年後此風稍戢卽行奏請停止得旨如所請行○甲戌上御太和殿閱看冊寶畢詣觀德殿大行慈安端裕康慶昭和莊敬皇太后几筵前行禮○恭上大行慈安端裕康慶昭和莊敬皇太后尊諡曰孝貞慈安裕慶和敬儀天祚聖顯皇后禮成頒詔天下覃恩有差○予故江南狼山鎮總兵王吉照軍營立功後病故例從優議卹○劉坤一奏淮南鹽務額重課煩鹽產自場引銷於岸全楚引地爲淮綱命脈所繫前督臣如曾國藩沈葆楨於淮鹽計

論最精著有成效歷次上疏請禁川復淮終梗於川楚迄今未行上年十一月臣接准部咨議覆四川督臣丁寶楨將濟楚川鹽按月酌定七八百引並以減運川鹽徐圖退步卽當增運淮鹽力爭進步令照湖廣督臣李瀚章原議山淮商提取淨鹽酌配引數運赴鄂省現分川銷之五府一州試辦並銷限一箇月專摺覆奏等因臣查川鹽借銷楚岸時運橋下駛累萬盆千漫無稽考今既定以限制足爲復淮張本惟治鹽以疏引爲先而疏引以籌銷爲急川淮同此銷路必須川鹽能減一分始淮鹽能進一分否則徒有減川之名而無銷淮之實當經咨商鄂省擬由淮南派員前赴平營壩設立稽查川鹽局每月除額銷川引外餘均作爲私論以符部議嚴杜明減暗增之弊一面咨詢川省月銷川鹽七八百引是否照淮南六百斤成引計算抑川省另有科則滿冀川鹽斤兩與淮鹽不相上下便可提鹽配銷卽或贏於淮南但使所贏之數不甚過多亦尙能逐漸進步茲准四川督臣丁寶楨覆稱川省奏定章程每水引一張配花鹽五十包每包連皮計重二百二十六斤每引連皮共重一萬一千三百斤等因以淮鹽每引連滿耗包索六百八十八斤計之是川鹽一引抵淮鹽十六引四分有奇月銷川鹽卽以七百引而論已抵淮鹽一萬一千四百九十餘引每年共抵十三萬七千餘引川鹽一引較之淮鹽一引增至十六倍有餘無怪淮商聞風裹足溯查湖北五府一州從前皆言每年可增淮鹽十五萬引係按六百斤正引計算臣油溝耗

包案細加覆核並確查宜昌川鹽總局歷年呈報加稅數目衰旺不一大致相同光緒六年分僅合淮鹽
上三萬三千餘引川省減定之數比實銷之數已屬有盈況繞越偷漏之弊尤難保其必無五府一州祇
此銷路已盡被川鹽所占淮鹽雖煞費經營既不獲盈尺之地焉能圖得寸之功卽甘心虧本亦無路可
銷此數年以來所以絕無一商認運也部臣謂其中必有窒礙難行之處可謂洞見癥結但楚岸引地上
年臣歷任兩江後卽派員前赴鄂省與李瀚章詳細熟商一時仍難遽復而淮南場產日增岸鹽日積若
并此配銷亦不能辦不特無以慰眾商雲望之望並有負李瀚章代淮籌運之初心丁寶楨抑川續淮之
美意臣督同運司悉心妥籌淮南目前未敢遽存奢望但求每年實減川引若干淮鹽得有銷路無論路
途之險成本之重總當責成鄂湘兩局額內各商力任其難酌提淨鹽前赴鄂省五府一州及湘省澧州
試銷此項試銷之引李瀚章原議雖令暫免攤派而川引既減鄂省月收川稅未免稍絀且李瀚章來文
業已允准設局所收前項課釐不敢留存絲毫擬卽全貼鄂餉儘收儘解庶幾川商不致驟行失業淮鹽
或可循序漸進鄂省餉需仍歸有著合無仰懇 天恩 敕部查照楚省每年可銷川鹽合淮實數重加
釐訂酌減川引若干配銷淮引若干行知各省恪遵部議和衷會辦以仰副 朝廷鄭重淮綱漸復舊規
之至意下戶部議奏○乙亥諭繼格舉道遠來請飭慎選漕糧米色一摺此次江蘇海運漕糧米色未能

純潔前據該撫奏明飭令倉場侍郎通融驗收在該省偶遇陽雨失時原不能不量加體恤俾小民便於輸將惟米色柔嫩不堪久儲倘各州縣及委員等因有通融驗收之案並不認真揀選輒請援案免收殊非慎重倉庾之道著該撫嚴飭糧道及有漕各州縣並收米委員等嗣後兌運漕糧務當詳細查驗俱選一律乾圓潔淨之米倘有藉詞影射情弊即行據實嚴參○吳元炳丁憂解任以黎培敬爲江蘇巡撫周恆祺爲漕運總督任道鎔爲山東巡撫○以升泰爲伊犁參贊大臣○諭軍機大臣等鮑超所部步隊二十一營馬隊六營駐紮樂亭一帶現在防務稍鬆自應量爲裁減以節餉需著該提督於所部各營內卽行裁撤步隊十一營馬隊二營派員分起管帶回籍妥爲遣散該勇丁籍隸湖廣程途較遠自當仍由輪船行走較爲便捷著李鴻章劉坤一卽爲預備知照鮑超飭令各營陸續起程應需輪船經費卽著李鴻章籌款應付此項遣撤勇丁著鮑超責成統帶各官嚴加約束毋任沿途逗遛俟到籍後並著李瀚章彭祖賢李明墀督飭地方官一體彈壓照料毋令滋生事端所撤各營月餉應如何覈給之處著戶部妥籌辦理其軍火器械著李鴻章派員點收存儲備用至現留之馬步各營仍著鮑超督飭認真操防毋稍懈弛將此由五百里各諭令知之○予直隸節孝員烈婦女徐胡氏等四百十三人旌表○李鴻章奏直隸候補人員擁擠過甚請展停分發一年下吏部議奏○內子以松駿爲直隸布政使國英爲廣西按察使

○衛榮光奏遵 旨查明前平定直隸州知州孔廣培被參使吞倉穀積壓磨坊等款並無其事請免置議前署高平縣知縣陳學富於人命案件率准攔驗致招物議請交部議處以示懲儆得 旨知道了陳學富著照例交部議處○丁丑諭武備院奏查明東華門樓損失盜甲開單呈覽並請將司員議處前鋒統領希拉布等奏遵查盜甲被竊請將失查官兵俟獲犯訊供指明參辦各摺禁城重地豈容匪犯潛行偷竊亟應趕緊緝捕何以至今尚未拿獲殊屬延玩仍著步軍統領衙門順天府五城御史一體嚴拿賊犯務獲毋任日久漏網其失於查察之武備院司員舒恆繼等均著交內務府照例議處○諭前據已革上駟院郎中德生呈訴被參情屈一摺當經諭令都察院堂官秉公查訊茲據奏稱逐層研訊如原參朦混具稿意圖浮冒一節光緒五年辦理團差派出兵丁該革員原班之稿係八百名後經核實定稿僅七百八名意存浮冒情跡顯然其私行補放牧丁一節所有幼丁名單雖經該堂官批定挨次序補而補缺時並未按名回堂原參摺補亦難辭咎以上各款查明並無屈抑德生業經革職著卽無庸置議○諭前因御史徐克剛奏參上駟院郎中廣善與上駟院卿尙宗瑞往來營私及令筆帖式安吉俊夏勒索冒領各節當派錢鑑毛昶熙確查具奏茲據奏稱訊明各處呈進馬駝均由堂官驗收分交各圈餵養安吉等無從取銀兩應領草束等項均係折價照例扣成以資辦公並非格外加扣領取米豆亦無扣項上年

十二月辦理均齊所有殉傷馬匹一律開除口分未經冒領尙宗瑞並無營私情事等語此案廣善雖無營私需索剋扣等弊惟尙有另案待質安吉亦被控有案此次又與俊良均被參奏其未能勤慎辦公已可概見上駟院郎中廣善筆帖式安吉俊良著分別開缺撤去差使均無庸在上駟院行走仍著內務府大臣隨時察看如有別項劣跡卽行據實嚴參○戊寅 上詣 觀德殿 孝貞顯皇后几筵前行禮○優卹安徽壽州知府銜分發補用同知朱開泰並附祀淮軍昭忠祠○己卯以徐邨爲內閣學士○劉長佑等奏勸辦演捐員紳欠繳銀兩請將廣東候補知府王雲等革職勒限監追得 旨如所請行○庚辰諭悼親王等奏伐除樹株情形一摺馬蘭鎮總兵景瑞於 尊祥峪 定東陵有礙 神路樹株未俟二十日所奏吉期先於開工之日伐除與成案辦理不符景瑞著交部議處○貴州桐梓縣逆首朱洪祥伏誅賞出力副將蔣柏勝略崇依巴圖魯名號加總兵銜○定安等奏黑龍江通省常川演練馬隊一千名步隊九千名分爲兩班每屆兩箇月按班輪演前經戶部議撥按年准撥經費銀三十萬兩本屆期請領惟黑龍江省地處極邊距京寫遠每途領餉往返必須半年方能領到相應請 旨飭部卽將前項銀兩照章核發俾領餉之員趕緊領回以備支放而重操防下戶部知之○辛巳臺灣地震○壬午福建地震○癸未兩○李鴻章奏欽奉光緒七年二月三十寄諭左宗棠奏擬調馬步各營興修水利等語等

因欽此並准盛天府尹臣晉請主稿會奏前來伏查近畿水利關係 國計民生興修無待再計臣蒞直以來迭經察酌籌辦未敢稍涉漠視惟限於地勢財力河淀又受淤過深有難盡利無害者溯自宋元迄明代有興作實效鮮聞惟北宋何承矩疏雄溝等處平墾之地築堰爲障引水爲塘率軍屯墾以禦戎馬專爲設防起見今之東西淀皆其遺址維時河朔本多曠土墾外卽屬敵境聽其旱潦無關得失故可專利一隅厥後人民日聚田疇日闢野無棄地不能如前之佔地曲防故治之之法亦復不易我 朝康熙雍乾年間屢蒙 聖祖仁皇帝 高宗純皇帝巡行規畫 指授機宜迭 命賢王重臣董理其事先後歷時數十年官民用費千百萬帑築兼施節宣備至始克奏功然旱潦仍不能免卽如雍正四年甫報工竣而五年夏秋永定等河漫決多口各屬被水者三十餘州縣其營成之水田又因缺雨難資灌溉未幾而多改旱田蓋河道本來狹隘既少餘地開寬土性又極鬆浮往往旋挑旋塌且渾流激湍挾沙壅泥沙多則易淤土鬆則易潰其上游之山槽陡峻勢如高屋建瓴水發則萬派奔騰各河頓形壅漲汛過則來源微弱冬春淺可膠舟迥不如南方之河深土堅能容多水源遠流長四時不絕也伏讀乾隆二十七年十一月 高宗純皇帝 諭曰從前近畿議修水利營田未嘗不再三經畫始終未收實濟可見地利不能強同等因欽此 聖謨燭照洞見本源此往事之可考而知者也乾隆以後未興大役道咸以後軍

軍需煩鉅更兼顧不遑卽例定歲脩之費亦層疊折減於是河務廢弛日甚凡永定大清滹沱北運南運五大河又附麗五大河之六十餘支河原有閘壩堤埝無一不壞減河引河無一不塞其正河身淤墊愈高永定河在雍乾時已漸高仰今視河底寬高於河外民田數丈昔人臂之於牆上築夾牆行水非一日已而節宣西南路諸水之南泊北泊節宣西北路諸水之西淀東淀又早被湍流填淤或竟成民地其河淀下游則僅恃天津三岔口一綫海河迤邐出口平時既不能暢消秋令海潮頂托倒灌自胸膈腸腹以至尾閘節節皆病是以每遇積潦盛漲橫衝四溢連成一片順保津河各屬水患特重此同治十年前後之情形也曾國藩蒞直時首以治河爲務而未克興辦大工臣接任後適值連年大水迭經遴員周歷勘驗並隨時親自察度詳稽往牘博采羣言求所以修治五大河東西淀之法蓋五大河爲一省之綱東西淀爲各河之要須先從此入手若房山正定一帶尙非急切者五大河中以永定之害爲最深然蘆溝以上束於兩山之間向無工程其病實在蘆溝以下須挑去二百餘里中洪一二丈之積沙方能順軌否則以南堤爲北堤而改河使南另築南堤以障之亦可安流弭節而去二策者勞費皆不可計若挑去全河極厚之積沙自來無此辦法亦無出沙堆積之處若改南堤爲北堤則固安永清兩縣城近靠南岸須議遷建尤於民情不順其大清北運南運則須分別挑濬河身加築堤埝修復閘壩減河始保安瀾統計工

程皆極煩鉅萬萬無此財力渾沱趨向無定自來不設堤防同治七年由驪城北徙以文安大澤爲壑其
故道之難復上游之難分下游之難洩曾國藩與臣均詳陳有案東西縱寬數十里淤泥厚極人力
難施此費鉅工艱不能大辦之情形也考之往事既如彼揆之今情又如此臣目擊時艱既不敢籲求巨
帑於 君父又不忍坐視顛沛於民生只有逐漸設法量力補救豈有畏難苟安任其自盈自涸之理頻
年以來修復永定河金門閘及南上北三灰壩以資分洩裁濬切灘以紓溜勢加築堤段添備麻袋土車
以助搶險大清河則於新雄境內開盧僧減河於霸州文安境內接開中亭河勝芳河以分洩上游盛漲
於任邱開趙王減河以分洩西淀盛漲並將堤埝分別修築今年又於文安左各莊至台頭挑挖河身二
十六里寬十餘丈深丈餘以暢下游去路渾沱河則於河間及文安滹沱開引河兩道今年又於獻縣朱
家口另開減河三十餘里均歸子牙河達津以輕河厭任雄南保文大積患北運河則於通州築臨挽復
潮白河臨槽不使橫溢於香河王家務武清饒兒港修復石壩以減漲水於天津霍家嘴疏濬引河以通
下口今年又於武清寶坻境內挑挖饒兒港王家務兩減河河身以資暢洩南運河則於青洽靜海等處
修復堤工二百餘里因東境四女寺哨馬營直境捷地興濟四處減河久廢遂於靜海之新官屯另開減
河工六十餘里使別途入海不併注津河又於天津城東永定大清渾沱北運交會之陳家溝開河百餘

里以分洩四大河之水經達北塘入海庶免海河過於淤滯其無極鹽博高陽一帶則壅築滹沱河堤以防滹沱北越任邱至天津一帶則加築千里堤格淀堤使河自河而淀自淀西沽韓家樹上至東淀則用西洋機器船節挖淺水路已通又於廣平開洛河順德挑漕河趙州洛河槐千河及此外各屬水道堤壩受害較深者亦隨時酌量疏築並令地方官民於無礙運道官堤之處或擇開溝洫或屏水窪池有泉源者鑿石疏濬距河遠者開鑿井眼若河間府屬井工則係專案辦理以上歷年所需工費除勻撥賑款捐項以工代撫外並抽淮練各軍分助挑辦淮軍統領周盛傳更於津東之興農鎮至大沽創開新河九十里上接南運減河又於減河兩旁各開一渠以便農田引灌其興農鎮以下又開橫河六道節節挖溝引水營成稻田六萬畝且耕且防海疆有此溝河亦可限戎馬之足此臣頻年就賑捐兵力竭蹶經營之情形皆有奏摺可稽者也自來河道必須上下游並治是以臣於各河上游或修復閘壩酌開減河以資分減下游或挑濬正河添闢減河以暢去路近年順保津河各屬水患較輕尙不致橫衝四溢連成一片但值廢弛已甚之後官民交紓之時迴與康熙雍乾年間情事不同僅能量力補苴實無從更張大舉若欲使各河一律順軌則必籌定鉅款先將永定河自蘆溝以下二百餘里改河築堤可保數十年無患又將大清河雄縣一帶之淤窄挑寬濬深北運南運河卑薄未補之堤急淤廢未損之減河分別加修東西

淀南北泊及津東之塌河等淀爲節宣儲水之區尤宜設法疏濬使可容受蓄洩並將淀西上游蠡高境內之滌龍河淤窄挑濬寬深再次則酌修各屬支河及畿東蠡運等河務使脈絡貫通經緯畢具悉去胸膈腸腹尼閘之病然後廣開溝渠相濟爲用庶水害既除而水利可興不致此旱彼潦此盈彼涸惟統計最要次要各工甚巨卽如永定一河若照議興辦土方不知凡幾其一切開墾物料工用器具借用旗民田地等項爲費亦復不貲實非數營兵勇所能辦到臣部准練各營僅二萬餘人分紮各要隘修築礮臺彈壓地面緝捕盜賊各有專司只能抽暇就近酌調助役勢難全撤要防罷停操巡以致顧此失彼今年潞文安之大清河開獻縣之滹沱河減河挑寶坻武清之北運減河並於高陽滌龍河堤任邱修千里堤全賴東南各省官紳集捐協助始克就緒然已竭忠盡慮此後斷難爲繼本省向係缺額入不敷出更無餘款可籌倘能如康熙年間故事約計現在應辦工程先行由部按年借給銀百餘萬兩自可分投勘議招雇民夫助以兵勇及時擇要辦理次第興作惟部庫拮据外省支絀竊恐一時難集巨款似仍只能量力籌辦未便尅期奏效左宗棠以所帶各營移治上游正可輔重力之不逮前已咨請飭挑涿州北關外拒馬河淤沙以試其端並經左宗棠不辭勞瘁親履察勘惟本屆伏汛將臨盛漲卽至難再別施畚鍤此後應修何處卽由左宗棠察酌隨時會商當飭地方印委實力襄助相與有成微臣忝司守土兼任河工

實無旁貸昨已督飭司道詳確勘議無論上游下游仍當統籌兼顧盡其力所能行以期逐漸補救惟賑捐既已停止本省又無款項可籌將來必不可少之工需只可奏懇由部酌撥以資接濟此現時統籌酌辦之情形也奏入欽奉 慈禧端佑康頤昭豫莊誠壽恭欽獻崇熙皇太后懿旨李鴻章奏覆陳直隸河道地勢情形節次辦法一摺據稱近畿水利關係國計民生頗年逐漸經營將各河擇要修濬因需費鉅未舉大工者諸往昔成案揆之目下情形通盤籌畫惟有次第酌辦等語著恭親王奕訢醇親王奕譞會同左宗棠李鴻章章華等酌度情形隨時妥商辦理○克蒙額馮興畝奏會籌按月添還西安滿營馬價借項二庫銀兩以資整頓營務允之○甲申 上詣 觀德殿 孝貞顯皇后几筵前行禮○諭都察院奏已革江蘇高淳縣知縣唐葆元以參追冤抑等詞赴該衙門呈訴據稱光緒五年五月間在高淳縣任內因查辦前任命案挾帶被匪搶劫洋錢四千圓有奇曾將窩家及夥犯緝獲該管知府擅放不辦前因交代欠款即被參追是以逃押來京滙訴等語該革員以在押勒追之員潛行來京具呈申訴是否捏詞延宕著兩江總督江蘇巡撫確切查明秉公核辦○丙戌夏至大祀 地於 方澤遺載敬恭代行禮○崇綺等奏熱河修挖旱河工程完竣報聞○英俊奏內務府撥用戶部銀兩曾於同治十二年經翰林院侍講寶廷條陳請令內務府造冊報銷以節糜費嗣經該管大臣覆奏請將從前動用之款免其造報以後如遇供支

部款再行核實報銷等語迨至光緒元年又撥用部款銀四十萬兩恭理 穆宗毅皇帝喪儀各項動用

銀兩並未造報本年又值 大行慈安端裕康慶昭和莊敬皇太后 升遐內務府復請由戶部撥銀四

十萬兩因思此項巨款既已含糊支領於前豈可再令朦混開銷於後奴才風聞內務府於發出之款多

係京平一切具令之又又公然註明原庫平字樣其承辦此次各項戰前浮冒尤多該管大臣等深知庫

款艱難欲於款內酌令按三四成發給約計已需銀三十餘萬兩且向來各衙門動用公款例有定章豈

有聽人意爲多少之事近聞該堂郎中堂主稿等於發款中視扣成之多寡定發項之先後專意營私顯

而易見該管大臣皆係各部堂官兼管或因別衙門事煩不能專顧該堂郎中等專司其事遂得高下其

手無論何事但能合伊等之意卽先行存稿書押呈堂舉辦倘以後用項紛繁請領部款恐尙不少若任

其浮冒侵蝕流弊伊於胡底伏思此種用款本屬萬不能緩之要需而際此庫款支絀之時尤宜嚴杜浮

開以節糜費況 大行慈安端裕康慶昭和莊敬皇太后諱諱告誠 命從儉約 慈諭昭垂海內臣民

莫不同深欽佩現值內務府用款紛煩宜如何深遵 遺詔力除弊端以歸實際應請 飭令內務府將

此次借支部款造冊報銷並元年借支部款應行查明一併造報至承辦司員因何含糊朦混之處並請

查明奏 聞 上諭御史英俊奏內務府撥用部款請飭造冊報銷一摺據稱光緒元年内務府領用部

欵並未造報此次所領部庫銀兩該衙門發出多係京平其具領之文註明原庫平字樣等語各項發欵
絲毫皆關國帑豈容稍有含混著總管內務府大臣確查具奏所有此次撥用銀兩及光緒元年領用之
欵著一律造冊報銷以昭核實○戊子予浙江桐鄉縣烈婦山西河東候補鹽巡檢陸榮曦妻汪氏旌表
○已丑諭丁寶楨奏鹽源縣屬地方被水成災現飭查勘籌欵賑濟等語本年四月間四川鹽源縣屬河
西地方雷雨冰雹水勢陡漲衝壞民房約七八百戶傷斃男女約千餘口殊堪矜憫即著丁寶楨飭屬確
切查明被災戶口分別輕重籌欵賑濟妥為撫恤毋令失所用副軫念災黎至意至該省城於四月間地
覺微震省外各屬有無震動情形並著查明據實具奏○庚寅丁寶楨奏川省官運鹽局事關數省請照
前奏勅部頒發四川辦理滇黔邊計鹽務局關防下部議奏○是月新築秦天旅順口西式礮臺

六月辛卯朔兩道○諭軍機大臣等吉林地方緊要現在整頓邊防所有製造軍火修築礮臺均屬目前
要務吳大澂擬於省城開設機礮製造洋藥彈子等件即著照所請行另片奏請暫調天津機器局道員
王德均來吉差委著李鴻章即飭該員前赴吉林○召岐元入覲以恩福暫署盛京將軍○以勦辦吉林
賊匪功獎敘出力文武員弁有差○丁寶楨奏建昌道唐炯總辦官運局整理一切業經就緒照例給咨
引見惟臣查川省鹽務實為國家絕大綱源前以經理不謬自弊叢生以致半歸乾沒今幸整理就

緒自可日見起色然利在者弊亦易生非得精實廉正如唐炯其人未易勝任臣愚以爲將來唐炯在川一日官運局事應請責成總理俾得益加精密庶今日之苦心經營不致遽有廢壞於國計民生所關實非淺鮮報聞○壬辰諭李鴻章奏請調員差委等語翰林院編修章洪鈞候選道金福曾袁保齡均著准其調赴直隸差委○癸巳諭詹事府左庶子陳寶琛奏星變陳言請斥退大員一摺所奏甚爲剴切然亦不無過當之處大學士寶璽在軍機大臣上行走宣力有年襄辦諸事尙無過失之處陳寶琛謂其畏難巧卸瞻徇情面亦不能確有所指惟既有此奏自必平時與王大臣等商議諸事未能和衷共濟致啟人言該大學士受恩深重精力尙健自當恪矢公忠勉勵報稱不得稍涉懈怠軍機大臣均有獻替之責務宜殫精竭慮力戒因循積習共濟艱難用副委任吏部尙書萬青藜辦理部務有年尙無貽誤惟屢經被人指摘衆望未孚著開去翰林院掌院學士都察院左副都御史程祖誥才具平庸著以原品休致○以張之洞爲內閣學士○總管內務府奏光緒七年五月二十五日內閣抄出奉 上諭御史英俊奏內務府撥用部款請飭造冊報銷一摺光緒元年內務府領用部款並未造報此次所領部庫銀兩該衙門發出多係京平其具領之文註明原庫平字樣等語前項發款絲毫皆關國帑豈容稍有含混著總管內務府大臣確查具奏所有此次撥用銀兩及光緒元年領用之款著一律造冊報銷以昭核實欽此欽遵

抄出到臣衙門查奏內稱本年 大行慈安端裕康慶昭和莊敬皇太后升遐內務府請山戶部撥銀四十萬兩於發出之款多係京平一切具領之文公然註明原庫平字樣等語查府儲司銀庫每年所進之款俱係庫平發放之款均係京平固有市平者所得平餘除該庫飯食心紅紙張及堂司各官養廉飯食以及不能作正開銷之公用外下餘儘數奏明歸公入冊存儲每年具奏一次歷經遵辦在案此次支發各款皆係查照向章辦理各處具領之文查明並無一處註寫原庫平字樣者又稱該堂郎中等於撥款中視扣成之多寡定發項之先後專意營私顯而易見高下其手等語查內務府堂郎中有統理各處之責此次恭辦大事各司處請領款項稿件紛煩臣等諭令該堂郎中詳細稽核不可稍避嫌怨總期事事核實有無如該御史所奏等情臣等遵 旨嚴密訪查並詢據各司處領款之員敘稱堂郎中並無扣成之事至放款之多寡向由各承辦司員等將應辦差務查照成案核算錢糧數目具稿呈明再由臣等比照成案悉心酌核有擬減二三成者亦有不能核減者然後批定交庫開放堂郎中止有稽核之責並無准駁之權其不能高下其手尙屬可信又稱承辦此次各項較前浮冒尤多該管大臣等深知庫款艱難欲於用款內酌令按三四成發給計已需銀三十餘萬兩且向來各衙門動用公款例有定章豈有聽人意爲多少之事臣等查內務府動用公款有例章可循者無不照例支銷何敢意爲多少至承辦各項無

例價可循者均查陳案辦理當庫款充盈之時承辦者但知精益求精不顧經費之多寡際此時艱力求
撙節司員等未必皆天良盡泯如無成案在前工商匠役遇事居奇惟利是圖況深知採辦爲例所必須
之物定期皆刻不容緩之事方且悔前次獲利未厚如何聽此次議價從輕是以每過報銷之案臣等亦
覺可異況外間傳聞異詞變本加厲更不能無浮冒之疑然此中情形不能盡責之於浮冒也臣等遂款
極力核減亦不能勒令強辦何能有按三四成給發意爲多少之事及稱際此庫款支絀之時尤宜嚴杜
浮開請飭令內務府將此次借支部款造冊報銷並元年借支部款應行查明一併造報等語臣等於領
到此款時卽飭該司員等另行存儲另立冊檔凡有發項皆於冊中一一註明以備將來逐款分晰具奏
是該御史所奏與臣等意見適相符合查同治十三年十二月恭理 穆宗毅皇帝大事奏請由部撥銀
六十萬兩部庫撥銀四十萬兩此次已歸入光緒元年五月十九日臣衙門奏歷撥部款請免報部摺內
奉 旨依議欽此在案自應仍遵前 旨免其造報至此次所撥之款既已另立冊檔分晰註明一俟將
來差竣卽當詳細具奏以昭核實 上諭內務府奏遵旨確查覆奏一摺據稱廣儲司銀庫進款俱係庫
平放款均係京平間有市平者所有平餘除抵作心紅紙張養廉等項公用餘均儘數奏明歸公入冊存
儲堂耶中於開放庫款祇有稽核之責並無准駁之權無從高下其手此次撥用部款四十萬兩承辦各

項均經撥款極力核減尙無浮冒並於領到銀兩時另立冊檔分晰註明一俟差事辦竣卽當詳細具奏等語內務府領發各款既據奏稱尙無扣成浮冒等弊卽著毋庸置議此次所領部款著總管內務府大臣隨時稽察撙節動用不准稍有浮冒仍於事竣時詳細具奏以昭核實○文碩奏恭照本年二月二十四月初二等日迭奉 諭旨通飭在廷官員凡於 朝廷用人行政以及大臣奉職無狀如果確有所見 命皆剴切指陳不可稍存瞻忌仰見 皇太后 皇上明目達聰勵精圖治之至意竊維刑賞爲 朝廷馭下之大權大臣乃百辟表率之表率宜勞績建績固宜 懋賞酬庸罪戾愆尤亦當 明罰飭法律有議功之典雖未可以一省沒前勞謂有輕重之衡要必平其罪之公私大小夫然後 功令始見尊嚴綱紀乃得整肅否則徒託空言人將玩視臣玩法則君輕民玩法則國亂君輕國亂不可與圖治矣是故言帝王賞必信罰必果其道尤在賞不遺遠法行自貴蓋提綱振領爲從來圖治之常經而小懲大戒亦保全人臣之一道也奴才於五月初七日在初六日刻本邸報中看得湖南巡撫李開墀代奏前任陝甘總督楊岳斌爲前剿辦鞏昌等處回匪札委已革道員王夢熊就地勸捐接濟軍糧迄今十餘年尙未核獎換照懇 恩飭下現任督臣查案給獎一摺敬悉軍機大臣奉 旨著李開墀咨行陝甘總督查明辦理該部知道欽此奴才因見此案初非難辦之事何至十五六年之久懸而未結考其時在左宗棠任

內之日爲多尤堪詫異事屬離奇情殊障目意其易結不結必非無因而致爰就楊岳斌原文所敘情節悉心玩索前後推勘乃覺此案所以多年未結之故正由左宗棠在任日久若與楊岳斌夙相齟齬有意積壓藉以示權掣肘之所致雖其致衅之由不可得知然此案必因二人各持門戶之私壓擱乃至如此之甚則確有可徵也事關大員敢挾私嫌壓擱公事觸縫迴護文過遂非奴才既有所見不敢不遵旨敬陳之查此案據楊岳斌所稱前派王夢熊就地勘捐供應各營軍食歷時不過七八閱月既已截清造冊核獎抑又何難乃楊岳斌移交穆圖善穆圖善又遞交左宗棠直至今日案懸未結雖當時該省軍書旁午或者兼顧未遑然亦何致輾轉遷延一至於此況左宗棠素稱勇於有爲履任又復年久及其出關督辦軍務底缺併未出署猶恐經制藩代拆代行日久不足倚任是以破格奏請指名歷舉賢員駐省會辦任內公事非不預聞原恐廢弛用資整頓則似此易結之案豈有闕茸因循無故久稽之理此奴才所謂情殊障目者也至謂左宗棠敢挾私嫌壓擱公事之說則此案本甘肅應辦之事王夢熊又甘肅本省之人既已造冊呈經原委上司移交後任總督有案日久未蒙核獎理應具呈本省總督或藩司衙門懇請速辦何必遠赴鄰疆仍求原委上司代爲申理推其不憚跋涉之勞必有稔知二人有隙左宗棠之有意

積壓爲所素窺明知於事無濟不肯進省具呈否則必已具呈本省因遭遇抑壓忍多年茲幸左宗棠進京之際前往湖南仍求楊岳斌主持其事以冀沈淪海底之苦猶有死灰復熾之機此就王夢熊之舍彼就此已可以旁徵左宗棠之有意壓掣肘矣而楊岳斌若與左宗棠果無夙怨此案初不由左宗棠有意積壓則當王夢熊懇催之日與其咨請湖南巡撫代奏請 旨何若備文徑移陝甘總督之爲直捷了當顧乃舍捷徑而就迂途則是其客氣用事不特有憾於左宗棠且併疑及楊昌溶惟恐爲彼私人或仍望風希有所謂門戶之見也其牽疑楊昌溶或事出有因或妄憑逆計雖不可得知而左宗棠於此案必欲積壓牢不可破之跡則固昭然若揭也不然楊岳斌雖好客氣用事而左宗棠時已交卸進京二人縱有私嫌此案則究屬公事設非不得已楊岳斌又何需乎過事猜疑多方顧慮方圖集事故緩其程耶且釋原文意有摹寫其狀隱約其詞故爲包涵之語實括言外之機蓋亦爲左宗棠意存掣肘而發只以非其手替之人且欲略存桑梓之誼故未明言直敘耳此就楊岳斌具文之跡勘之可徵二人之各持門戶之私公事乃至壓壓之明微也所謂以前掣肘情形也甚矣門戶積習最能害政顧自漢唐宋明以來無代無之小人之狼狽爲奸者固無論矣君子之偏執自用者亦每迷焉而根深蒂固流毒數百年逮及國初餘波未泯細維我 列聖洞燭其弊深悲痛絕每 頒訓諭垂戒幾先隨事提撕時決其隱而大

綱目雖不外乎 御製人臣警心錄該大學士等服百入官立功行陣既已名列旗常勳書竹帛自應
懷遵 國朝之 祖訓致身名教之典型法孔孟之心傳伊周之志節何乃罔知戒鑒前車且自甘蹈覆
轍豈亦執迷不悟乎往事不勝援引他事亦無庸推論卽就此事試言之設非二人各持門戶之私何致
此案積壓如是其久卒令小民多年失望頓敢疑閤吵鬧不休情同被騙而王夢熊之奔逐湖湘又宛如
民間負債波累中人情狀逼與殊屬可笑乃楊岳斌粗心尙氣漫無剪裁率列公文傳聞中外致窺我
國家辦公如是尙復成何政體要之不得謂非甘肅歷任總督藩司玩視公務有以使然也何其不顧大
局一至於此可見人臣一有私心必涉偏見一涉偏見必致誤公此事幸而民俗醇良左宗棠聲望素著
其平日居官尙能整理封疆未致釀成厲階耳然而履霜之戒不可不嚴又過之咎不容不議蓋君子不
必無過而聖賢豈能改過此克己之功所由也左宗棠本不應以齟齬私嫌累及民事 褒旌義舉忍
令沈淪然其本體之明宜未息焉事後苟能自省自疚幡然所以自悔則當李明坤此摺見承 旨時滿
感前非宜滋慚愧既知慚愧則當卽時免冠謝罪檢舉奏 固何乃漠不動心坦然又過豈示極聖時之
念始終橫互胸中乎不然此案積壓已久情理貴乎迅速在 朝廷以李明坤既爲代奏因而卽命該撫
臣傳 諭飭知不過就事論事一如 飭部行令欽遵之例耳原非 聖意特有所屬而然也而此案初

本無關湖南之慮即使不出該撫咨行於事亦無出入而辦理較為直捷該大學士職司樞密何不於承旨之際稽首颺言敷陳其理祇請 採擇少補前愆乃竟不贊一詞是何意見雖軍機大臣不伴該大學士一人然此等事件無難措置既無需乎再四籌商則咫尺 天顏豈有每事必紛如繭如人人執奏之體準情酌理此事必應左宗棠倡言提奏夫言及之而不言是謂之噤人臣事君而有噤聖賢之道如是乎且左宗棠自充軍機大臣以來若每事皆前諉親藩後推熟手旅進旅退是蹈巧宦之陋習稍知自奮者且不爲奴才信知左宗棠斷斷不屑如此也然則如他政事尙知拾遺補缺造膝入告而獨於此事陡然改常故爲緘默則其前此之示極掣肘厥後之當言不言總不過固執門戶爭勝之私心遂自蹈於迴護彌縫而不悟之跡不又昭然若揭乎夫人臣之罪莫大於欺蒙專擅而其機則伏於迴護彌縫危乎哉姑其萌矣左宗棠能無懼乎諺有之以小喻大其理不差旁觀縱愚勝於當局此就左宗棠承 旨之跡勘之可徵二人各持門戶之私公事乃至壓擱之明徵也所謂以後掣肘情形也左宗棠乃 國家宣力大臣櫛風沐雨夙著殊勳一省之愆宜寬貸備然奴才如此立意糾彈於五月初七日定志脫稿則在十四日其間屬草謀篇藉以推勘事跡平心觀理者幾及旬日見其一節情形如是節節情形莫不昭合一人行跡可駭人人行跡莫不可證事既昭然過難遽掩至若議功恤勞之惠出自 聖主特恩則可在

該大學士坦然自恕則大不可有過刑故經有明文況風會所趨卽官常所繫張弛出入振墮攸關是故益不容不議也總之左宗棠幸事 清明盛治之朝安得侈然頓萌嘗試之念若謂過出無心則疎忽不應屢貶卽使胸無城府而不敬已屬曠官奴才愚以爲法行自貴 朝廷不可不小懲大戒以示保全至楊岳斌雖係總督品級然於湖南巡撫則部民也向來宗室之於宗人府奴才們之於本管都統參領佐領蒙古之於理藩院除奉 特交會辦暨本任交涉公事各視品級應用印文外其餘無論公事私事但係本身出具白片之事雖顯爵勳戚一概俱用呈文是漢大臣之於本省官長亦係事同一律前此李鴻藻有事呈請禮部代奏卽其例也今楊岳斌竟於本管巡撫衙門率用平咨殊屬背禮雖儀文末節而風化攸關楊岳斌係在籍大員爲紳民領袖持躬儉宜守禮庶爲鄉俗表率今既公文僭越奴才愚以爲亦不可不付之吏議以爲粗心肆意者戒所有左宗棠楊岳斌應如何量 予示懲以飭紀綱以儆百辟伏候 聖裁 上諭前據李鴻藻奏楊岳斌咨稱交卸陝甘督篆時將已革道員王夢熊勸捐軍糧一案移交後任迄今未請獎敘懇飭查案給獎當經諭令該撫咨行陝甘總督查明辦理茲據內閣侍讀學士文碩奏此案懸擱多年左宗棠在任日久有意稽壓並於奏到時未經檢舉請量予懲治等語各省督撫辦理事件原應隨時速結然其間遲延時日未經辦結者亦所時有文碩所稱左宗棠因與楊岳斌各持門

戶之見有意稽壓迴護縫並楊岳斌係在籍紳士應呈明湖南巡撫不宜率用咨文均屬任意吹求措詞失當所奏著毋庸議○甲午以勸募山西賑捐出力獎敘江浙紳士浙江難賑知縣張世祁等有差○乙未慶裕奏勦平越南巨寇保獎武職各員經部議駁懇恩仍照原請給獎以勵戎行允之○吏部奏詳細申明章程嗣後凡出使隨帶各員仍照異常勞績准保免補免選以應升之外官補用選用不得越級如有本係外官保請京堂京職及本係京官保請無論題選咨留暨各項班次并京職升階均一律議駁得旨允行○丙申上詣觀德殿孝貞顯皇后几筵前行禮○兩○戊戌劉長佑因病乞休上溫諭止之○左宗棠奏欽差光緒七年五月十八日上諭孫詒經奏興辦畿輔水利敬舉人材以資助理一摺等因欽此臣維水利廢興關係民生國計刻在畿甸尤難視為緩圖禹之治河所為舉事於冀也臣部奏調北行而隴關內外營屯水利曾著徵勞茲值順人直隸水患頻仍用其所長令之從事修濬兼免坐食虛費實為兩益且徵之於古周代兩城成周諸侯屬役賦丈魯昭二十二年大夫相帥城成周穀梁氏以為得變之正蓋謂尊王用命義在則然也臣以陝甘應餉之軍助直隸治河之役適逢其會竊比有凶事雖稍異尋常亦猶行古之道而好事爭功諸議無譏焉孫詒經原奏謂為千載一時之舉稽古證今實為允當非夸飾之見雜居其間至謂事同創舉則有未盡然者臣軍自張口懷來移駐涿州由涿

州知州查光泰稟由李鴻章咨商而來所擬方略皆山細繹乾隆中親閱永定河堤示直隸總督方觀承聖製諸詩所得如籌疏濬取河淤出新土培堤卽寓濬淤之義及河中居民相安弗論宜禁附益增廓大哉王言實握治河機要聖人復起何以加茲皇上祖述憲章臣等在事諸臣率循罔越胥在乎此以今視昔跡雖近於創而以古準今義實本諸因也至於敬舉人材以資助理請飭張之洞張佩綸親詣那勘隨時兩商王大臣等督飭興修尤具深識蓋以臣與李鴻章議論時有異同恐意見驟有未融或敢爭執之漸張之洞張佩綸持論明通於臣與李鴻章素稱投契又同籍員於畿疆地形水勢尤所熟諳必能據實疏通俾衷至是惟臣於十九日卯刻接奉諭旨時已由涿州陸行是日勘驗金門關壩次日卽循南岸河堤而下二十二日抵王慶坨二十三日抵天津與李鴻章晤商一切所見皆同二十五日乘舟溯流而上二十七日抵壇北口將商定情形咨李鴻章彙銜咨呈恭親王醇親王核定會奏請旨遵行接見清河道葉伯英據稱適得獻縣馳報滹沱現行古洋河之大溜已全山新開減河入子牙河故道達津入海彼此共相慶幸臣初由壇北口南行履勘滹沱上游情形既得滹沱已改由李鴻章新開減河歸復故道遂罷此行仍由陸路回涿州二十九日駐永濟橋工次六月初一日與王德榜王詩正及親軍營哨各官驗視十九日後興作工程見下游挑淤已至永樂村面寬二十餘丈深八尺餘水程六七里

淤沙堆積兩岸如長堤六月初一日下游竣工接開橋上南面小減河長可里許連日修築北面斜堤束
汜濫之水令出橋下一面開涪涸洞初五日大溜東趨官民相慶計自開工至今甫閱月餘二十餘年積
患一掃而空時距伏汛尚十餘日縱遇盛漲亦免倒漾停淤之患重目擊兵士勞苦稿以食其因暑雨
工作感受時氣者遣人赴邸領取藥療之擬俟各處工程一律告成過秋汛後再將斜堤加築三合土以
規久遠拒馬扎牛及各水業已就治永定全河可期順軌並拜摺後擬過石景山一帶測勘水勢即回京
覆命張之洞張佩綸兩員是否仍須派往助理應候 聖裁奏入報聞張之洞張佩綸均著毋庸派往

○劉長佑奏本年正月接據廣州府知府庭中杰廣南營參將穆文陞稟稱郡屬西路舊吳紫地方毗連
外域有土棍王澤寬會山軍功落保都司職銜糾黨誘誘為害鄉里疊據該處民人具控到府正擬稟請
設法懲辦接據紅石巖汛兵團紳董土同知饒茂先稟報王澤寬勒派各寨夷民約千餘人於上年十二
月徑赴普梅邊界聲言攻打陵匪各情該府等以王澤寬素性頑悍恐其妄挑邊釁貽患內地稟請辦理
前來經臣等飭令該文武厚集兵團實力防堵一面設法解散黨眾誘擊王澤寬究辦以除邊患去後旋
據該府營稟報該匪王澤寬於本年二月自陵境折回復集各寨夷民分踞紅石巖舊吳紫各處增修
營壘搬運糧草漢土民人不免驚惶因就近商請暫開化鎮總兵鄧榮升派令副將黃恆泰等管帶副前

營練軍兩哨會同參將穆文陞所帶兵團紮營板榔村二月十五日進攻該匪偽先鋒營格斃匪黨十數人割取首級八顆該匪首王澤寬喊黨拒敵穆文陞被賊鎗傷口頰兵練陣亡三人帶傷十餘人隨即收隊回營查該匪偽先鋒營佔住寶竜地方與各匪寨相爲犄角實形勝所必爭穆文陞等於二十五日督隊猛攻立將先鋒匪營攻拔隨派土同知儼茂先帶練駐紮寶竜以扼賊衝二十六七日我軍分路抄剿史番進撲多有斬獲二十八日至三月初三四等日陸續將該匪首賴牛角寨等處賊營踏平殲斃匪黨數十人奪獲旗幟鎗械百數十件我兵陣亡二人帶傷十餘人該匪王澤寬退踞舊莫老寨負固不出密挽江那縣丞廖煥章赴開化鎮府前代爲乞撫該總兵鄧榮升知府郭懷禮以賊寨險阻急攻則難猝拔緩辦則易就擒稟請卽委廖煥章前往開諭散黨繳械赴營就撫臣等以該鎮府所稟不爲無見飭卽妥速辦理無任狡展貽誤事機嗣據該各文武稟報該匪首王澤寬首鼠兩端並非真心就撫隨檄鄧榮升前往廣南督同剿辦並先由該總兵添派管帶副前營練軍記名總兵李嘉谷與該鎮中軍游擊丁槐各率所部兵練於四月初一日齊赴板榔節次拔營紮近賊寨四面環攻至四月初六日夜先將該匪巢外碉卡一律掃盪乘勝直搗舊莫老寨該匪拚死抗拒鏖戰逾時黃恆泰冒險奮越各兵練鼓譟從之遂將匪巢攻破殺斃匪黨數十名割取首級五十餘顆奪獲鎗械旗幟無算維時大市黎明烟霧四塞該匪

苗王澤寬賈乘軍亂之際伺隙逃蹤跡無獲副將黃恆泰把總黎仕凱均於破巢時受傷陣亡並傷亡兵練六十餘名呈報前來臣等以王澤寬現尚在逃終爲後患當經飛札該鎮府等迅速商派得力兵練探蹤掩捕緝誘擒務獲該匪首解省懲辦現據庭中杰稟稱昨五月初四日緝報據探於五時地方探得王澤寬不時到著太阿哈斗月各村寨行蹤詭秘該處林深箐密向爲逃亡淵藪現已商調兵團馳往各要隘相機兜拏務獲解辦得 旨著飭令該處地方官迅將逆首王澤寬嚴拏懲辦毋任漏網○己亥諭數日以來暮星見於北方仰維 上天示警祇懼實深方今時事艱難生民未遂我君臣惟有交相儆惕修德省愆以冀感召祥和又安黎庶爾在廷諸臣其各勉勵職守力除因循積習竭誠匡弼共濟艱難各省封疆大吏務當實事求是認真整頓訪察閭閻疾苦盡心撫綏庶幾日臻上理用副朝廷恐懼修省應 天以寶不以文至意○以捐助義舉予河南善化縣紳士湯慶祺旌表○庚子 上諭 觀德殿孝貞顯皇后几筵前行禮○王寅優卹湖南補用提督西耶阿巴圖魯肅迎祥如軍營積勞病故例妻賀氏夫故殉節並予旌表○癸卯諭軍機大臣等有人奏兩江總督劉坤一嗜好深又耽逸樂年來精神疲弱於公事不能整頓沿江廠臺多不可用每一發礮煙氣眯目甚或坍塌又有人奏該督嗜好過深廣蓄姬妾稀見賓客且縱容家丁收受門包在廣東所築礮臺一經震盪盡行坍塌各等語現在東南海防

正關緊要所奏是否屬實著彭玉麟按照所參各節確切查明據實具奏毋稍徇隱江海防務辦理有年
究竟有無把握著彭玉麟擇要駐紮將水師各營認真整頓不必拘定巡視長江原議以專責成原摺片
著摘鈔給與閱看將此諭令知之○李鴻章奏修培蘆蒿龍河南隄酌挑北岸淤灘並修任邱千里隄
工程完竣報聞○劉坤一奏兩淮人員過多請停分發三年下部議奏○甲辰以徐鼎為工部右侍郎○
乙巳諭巡視西北城御史嵩林給事中訥隆阿等奏西北兩城紳商捐資添設水局辦有成效懇准援案
請獎一摺著該部議奏○李鴻章奏挑挖大清河下游並另闢泮沱減河修濬北運減河各工均已完竣
報聞○丙午諭侍郎梅啟照內閣學士張之洞奏門禁宜嚴請飭定章程稽查各摺片禁門重地理宜嚴肅
前經御前大臣軍機大臣總管內務府大臣前鋒統領軍統領軍機處中書章程並迭降諭旨諄諄
教誡該管大臣等宜如何認真整頓力除懈弛積習乃上年有瘋犯劉振生混入禁門一案本年復有東
華門樓監甲被竊之事屢見迭出尙復成何事體總由該管大臣遵照章程實力奉行督率員弁兵丁於奏
定章程陽奉陰違門禁廢弛已極殊堪痛恨著該管大臣遵照章程實力奉行督率員弁兵丁隨時隨事
認真稽查毋得仍前玩忽倘再有疏虞惟該管大臣是問懍之○諭據內閣學士張之洞所奏府右庶子
周德潤御史洪良品先後內呈變陳言詳加批駁所陳各條不為無見認誠為民命所關應經諭令內外

用刑衙門清理庶獄免致小民冤抑乃各省積習相沿於民間控訴案件日久積壓甚且任意刑求拖累株連在所不免遂致京控之案層見迭出嗣後各該督撫等於京控命盜重案務當親提秉公審訊遇有冤抑立予平反不得概以懷疑誤控等詞一奏結案以重民命並著刑部將京控積案年限申明舊章隨時稽查毋任日久生懈錢糧係維正之供豈容經徵人員暗中侵挪乃或上司意存見好每遇屬員虧空轉設法爲之彌縫至離任虧欠久懸身後參追無著國課因之日絀關稅釐金出入尤多朦混不能涓滴歸公總由經手官紳營私取巧百弊叢生遂致利歸中飽嗣後該督撫等務當潔己奉公於錢糧釐稅款項認真經手核實奏報不得任意開銷稍有欺飾以裕帑項各省防軍歲需餉項甚鉅著各督撫統兵大臣將所部各營嚴行稽核選派得力將弁督帶隨時申明紀律汰弱留強俾成勁旅倘有不加訓練不講營規虛報空額吞蝕口糧諸弊一經發覺定即重懲澈敘官方察吏實爲急務各省督撫考察屬員率多虛應故事不足以示勸懲凡屬員任內各有應辦公務該督撫平日當留心詳察認真考課視其能否定功過以爲獎劾仍須詳敘實蹟具奏用昭賞罰不得僅託空言至冗員過多亟應照章甄別將庸劣各員隨時裁汰毋任日久濫竽並將參劾裁汰員數陸續咨明吏部查核以上各節均須實力奉行不得視為具文一味粉飾因循致負委任總之時事多艱全在中外大臣共矢公忠實心任事破除成見以期宏濟

艱難朝廷進退大臣惟視其能否盡職以爲考核其各時加惕厲庶幾恩容長承也是象示警我君臣惟有交相儆戒恐懼修省盡人事以格 天心至用人行政時有闕失凡有言責諸臣尤當直言無隱藉資採擇用裨治理實有厚望焉○諭前據御史李士彬奏特參總兵萬重暄王永勝貪劣各款當經諭令彭玉麟查辦茲據該侍郎查明具奏江西水師統領記名總兵萬重暄雖無扣勇減餉之事所參收受節壽陋規亦無實據惟出門乘轎所至盛飾廚傳供帳並有開局聚賭情事江西南贛鎮總兵王永勝狎優飲酒時令民間女子入署伴工雖非收買販鬻而不知遠嫌以致物議沸騰已革知縣章澍聲名狼藉與王永勝往來酬酢聚飲觀劇營務因以廢弛江蘇候補道朱麟成江西候補知府潘駿羣候補知縣楊春澤陳長吉張銘李文同已革知縣柯榮試用通判顧長齡管帶江西內河水師營官記名總兵蕭福均有入局聚賭之事萬重暄王永勝蕭福均著革職永不敘用朱麟成潘駿羣楊春澤陳長吉張銘李文同顧長齡著一併革職章澍柯榮均著勒令回籍以儆官邪兩江總督劉坤一江西巡撫李文敏於所屬各員種種劣跡漫無覺查均著交部議處前迭經降旨諭令各省督撫整頓吏治營務如果不避嫌怨認真考查何至所屬各員有此藐法妄爲之事各該督撫嗣後務當破除情面嚴加訪查如有此等劣員卽行據實參辦毋得稍涉徇隱自干咎戾○欽朝鮮解送遺風難民差官李應晉銀兩○丁未色楞額等奏奴才等

前將派員隨帶漢番官兵查辦納魯噶魯等族夷案於光緒六年十月十五日附片奏明在案旋據委員周濤稟報查辦鎮昨批結偵查黑旗致案件完結後隨帶漢番官兵五百名起程馳抵古饒塘當派甲瑛頓桂等百策忍頓桂等前往納魯噶魯提傳兩造人證遲至十餘日該甲瑛等回營面稱案內人證均已遵調陸續起身惟下噶魯頭目甲立四郎曲噶洛布達定阿雍特布仁青等四名弗容晤面並用亂石擊打不准入其住家聲言萬難赴案縱有兵來亦何畏懼等語周濤復派譯字房教習馬光榮從九品江宏治等再往詳細開導均被甲立四郎案內人等打傷懇請核辦等情奴才等查下噶魯頭目甲立四郎等兇悍性成負隅抗拒前任吏部章京恩承鐵魁二員先後至彼查案該頭目藉故糾眾持刀飛石肆行挾制迫調藏查訊竟敢抗不到案延至於今未能了結實屬膽玩藐法已極奴才等飛飭周濤添調三六村土兵五百名共集一千名剋日帶往該處相機彈壓設法緝捕以儆効尤茲據周濤稟稱遵札帶領漢土官兵於本年二月十二日馳抵阿雄寨並先遣通事傳得貴前往緝諭曉以利害勸令迅速歸案該甲立四郎等大聲肆罵將通事毆打逐回周濤當派漢番員弁兵丁等分紮阿雄寨並示諭官軍只可環圍困守不准施放鎗礮相持二十餘日甲立四郎等見官軍緊逼力促勢窮率其黨與千餘人出寨悔罪投誠伏地泣懇傾心歸案周濤姑允所請遂進紮阿雄寨一面安撫被脅番民一面派人提傳案證逐日秉公

研訊共計六十餘起遂將所控牧廠地方烟戶房土分清界址各項差徭抽頭茶腳等事定立章程其上
年互相殺傷百姓失去財物照例賠償命償罰銀兩抗傳不到之甲立四郎曲鳴洛布等四名從重
鞭責後押發夥爾總百戶處永遠圈禁惟巧舉定琿札汪歷年播弄是非刁唆詞訟實難姑容應卽解交
夷情衙門看管如能悔過自新再行取保釋放回旗該管百戶百長頭目等或嚴加懲處或從寬記過分
別擬斷繕發斷牌兩道均各悅服遵照承領出具永不滋事丁案甘結圖記地方一律安靜等情具報前
來奴才等查納魯噶魯各旗距藏較遠鮮知法紀每恃地僻抗不遵調以致積案數十起累年弗能究結
經此次派員稍加懲辦之後自可儆懼斂跡就我範圍他族官民亦知懾服實於近日藏務大有裨益該
委員等辦理妥速不無微勞足錄所有此次尤爲出力漢番官弁繕具清單恭呈 御覽伏候 恩施以
示鼓勵得 旨周添等均著照所請獎勵○戊申 上詣 觀德殿 孝貞顯皇后几筵前行禮○己酉
上詣 觀德殿 孝貞顯皇后几筵前行白日致祭禮○子直隸文安縣與女郭陳氏旌表○辛亥劉
坤一奏准部咨議覆給事中戈站條陳淮南鹽務指詢各節行令詳查覆奏等因○伏查兩淮鹽務甲於
天下每年數百萬兩餉源每場數千頃命脈胥是賴焉果有當除之弊可興之利亦何敢畏難苟安惟
准鹽新章行之近二十年所收課釐逾六千萬歷次所捐鉅款尙未在內而各商以有餘潤可沾猶復阻

勉從事其益於公私不得謂非辦有成效就臣歷官兼管辦務之處淮鹽似較勝一籌該給事中竟稱鹽務之壞以兩淮爲最甚立論殊欠持平兩月以來經臣督飭運司洪汝奎諮探輿情彙摺案卷始知人言之有由來而所陳多不足信部議洞若觀火實令外間官商佩服不忘除減川配淮業由臣專摺具奏外其餘不外增新引包鄂餉疏岸銷裁捐費四端謹就岸務商情悉心參酌爲 皇太后 皇上縷晰陳之清鹽無他專重銷之一字銷果暢商雖少而轉運亦靈銷若戒商愈多而出售壅滯此一定不易之理而官銷之暢滯則視私鹽之多少淮南自被川鹽久占鄂湘引地偏地皆私漫無稽考該給事中原奏亦謂川私山積淮南以現有之商運已認之引抵岸後已須守輪一年或半年之久查鄂岸現在請運丁丑上半年之引湘岸現尙請運丙子上半年之引而兩局已存鹽各十餘萬候棧且有十七萬餘引之多上倉有費住日有費辛工官息又有費成本占攔乏術疏通萬引之積壓如此若再另增新引其敗可立而待弊之治水不問去路之通塞而專事潴源終虞決口治病不問病人虛實而漫言峻補必致傷身部臣不遠煩引而又許將窒礙情形擬實陳覆可謂洞見癰結此新引斷難驟增之實情也包餉之議創自前督臣沈葆楨原奏許儘鄂湘原認之引永遠循環不再另招新商以提其權而奪其利舊商所得足償所失故人人踴躍具結乃至取結達部其確有把握可知臣抵任以來該商猶復稟催並無異說現在復

淮向無定局將來應否增引增商亦難懸揣今昔情形既不相同辦法不能膠執臣愚以爲鄂中不以引地歸淮則已果以引地歸淮無論舊引新引舊商新商鄂餉斷可無虞短絀蓋銷川鹽則完川稅銷淮鹽則完淮釐但使鹽有去路卽是餉有來源鄂中每歲所收川稅以錢合銀均在九十萬兩左右有案可稽如以淮南包餉爲不足恐或將鄂省向在川稅項下籌解京外各餉奏請改撥兩淮由臣督同運司妥籌解濟鄂餉既歸有著則復淮應亦有成一轉移間鄂淮皆無所用其推諉至於入境川鹽既停之後到岸川鹽未盡之先所需鄂餉淮南自應兼顧應俟復淮定議由臣咨商楚督並飭司局設法籌維不至因此貽誤此包餉係屬可靠之實情也課釐之盈虧惟視銷數之旺淡當此度支拮据首宜講求疏銷然查兩淮鹽色不如川粵之佳鹽價不如川粵之賤疏銷之法惟在緝私自湖北之荆宜等府州及湖南之澧州借銷川鹽兩省門戶盡失在在巡緝爲難卽使隨處設局督銷恐亦徒糜經費他如湖南之衡永寶三府方爲粵私所佔凌瀘以下府州前督臣曾國藩與臣繕隸湖南明知該三府戶口數百萬淮鹽片引不行而未嘗委員前往設局督銷者以該處山路紛歧民情困苦緝私不能嚴密設局亦屬徒勞祇合留爲蠲離以存限制至江西爲臣久宦之區深悉粵鹽一入贛省四通八達堵截無從與湘鄂情形大略相似皆因私鹽多而官引不行非爲官引少而私鹽始至否則卽無官局商販自可行銷該給事中謂鄂西不多

設局分銷以致停滯者非也上年綜核各岸銷數惟皖岸與前屆不相上下其湘鄂西三岸均屬短銷而湘岸爲甚該給事中謂湘岸溢銷至僞爲鄂岸所不及者亦非也夫鹽務實變通盡利尤貴斟酌合宜以兩淮引地久爲湘鄂所占以致淮引滯銷詎可不圖規復然非步步踏實必至有始無終有損無益現在湘鄂西三岸兢兢保守腹地各府州不使私鹽攪入而於積慣行私之處逐漸經營以冀得尺則尺得寸則寸臣復督同運司力行重淋之法務期鹽色乾潔以敵川粵私鹽而於局卡文武督緝之功倍廉仍分別撤留賞罰並添撥水陸精銳之勇以壯聲威凡此目前振頓之方卽爲將來擴充之計至於淹銷一節實爲鹽務一大弊端然自會國藩設立章程課輕釐重不特補運之鹽令完全廢自板淹之鹽亦完半釐已屬無可取巧又須州縣周勘出結商人亦憚煩難下嚴飭各局於報淹可疑之案立派親信密查以杜虛捏此則疏銷不敢稍懈之實情也派捐最屬病商當此陳鹽滯積困未紓誠如部議必須休養商人以期漸復元氣臣接據各商開呈清摺摺列現捐名目分札司提各局務將一切冗費分別酌裁其中局用爲大宗鄂西等岸所以不欲多設分局者以此餘則在局候委各員薪水爲歛亦鉅臣通飭各局以後不得多收委員卽係熟悉差務堪備差遣之員亦必遇有缺出方准派委至於地方善舉必須察酌事宜量予限制不得一味見好濫應濫支此浮費現在裁汰之實情也臣查兩淮鹽務近來口舌紛紜無非

爲改章加引起見歷考歲時鹽法屢屢振初立一章無不爭先恐後不數年而良規中廢大率前鹽市
暢後引遞增以爲引增卽課充多多益善不思增引而不增銷年復一年積疲成困百病從此而生乾隆
嘉慶間屢有統銷帶徵之奏無非爲積引難銷力圖補救究之挪新掩舊也彼注茲於課項有何裨益前
督臣陶澍創行淮北票鹽意美法良初行盡善厥後加引至四十六萬不特淮北銷疲甚至侵銷淮南邊
界而南鹽至道光末年幾於不可收拾前事之失可爲殷鑒會國藩初定新章之際設局招商迫商認之
引足符岸銷遂有撤局停招與李鴻章商定循環轉運之法嗣增湖南辰州礶鹽二十四票轉輸不消久
之始定又以協賑天津楚西加引四萬岸商漸形支絀會國藩頗心於懷經前督臣李宗羲奏明有案以
後從無增引之事至今楚西各岸銷數雖滯而守備待售尙有什一之獲各商恃爲恆業局外欲擴越而
無從遂遂耽耽乃爲把持壟斷之說以撼商而請新引甚至本無辦運之資亦無力運之志欲以新引
轉賣漁利始是運司繼於鹽政終於戶部據拾浮言更端嘗試光緒三年曾有商民信成和等赴部遞呈
請增楚引十萬道捐銀四十萬兩淮南奉文日久並無一商來淮一錢繳庫經沈葆楨奏駁在案茲由該
給事中奏請由部頒引可見伎倆層出不窮祇知圖利營私不顧擾亂鹽政臣聞此次若輩併力一舉事
在必行幸荷 聖明燭照如神部臣維持大體准綱賴以保全否則大局一爲動搖不堪設想矣臣職有

專司責無旁貸知會國藩所定鹽法一秉至公歷久不敝故各前任莫不恪守舊章今該給事中以收引地加引累責臣不知二者可合而不可分如以荆潯等六府州之地歸入兩淮或可酌增新引至於現在引地於現行引票尚未全銷安得再增以速其敗之區區但期裕課不敢存彼我之私但欲便民不敢有恩怨之見然後准與增引則事在並行能復引地不必如沈葆楨所奏不增新引欲增新引則必如沈葆楨所請收回引地此外成規具在斷不可輕涉紛更臣惟有督飭運司維持整頓以冀銷路日暢仰慰朝廷重念鹺政之盛心下戶部知之○壬子李鴻章奏堵築東明高村黃河南堤漫口大工及搶辦上下游險要工段一律完竣報聞○癸丑諭戶部奏查覆糧價領卹賞人犯並通同舞弊之書吏請飭交刑部嚴切追究一摺禮部已革書吏朱濤膽敢串通戶部書吏孫永祥朱鳳岐捏造札付盜用司印冒領卹賞銀至一千餘兩之多並據朱濤供稱所用札付係盜用禮部堂印竄屬貌法已極朱濤卽朱慶雲孫永祥朱鳳岐均著交刑部嚴行審訊澈底根究從重懲辦以儆奸宄而杜弊端○甲寅予浙江山陰縣節婦王胡氏等旌表○譚鍾麟奏餘杭安吉等縣客民滋事業經拿辦解散地方一律平靖得旨知道了卽著飭屬嚴拿首犯王平周等務獲懲辦仍隨時稽查約束毋任游手之徒再滋事端○乙卯甘肅地震○諭慈福端佑康頤昭豫莊誠皇太后自上年春間聖體違和多方調攝現已大安朕心竇深慶幸惟念

總辦出就綬和仍宜隨時靜攝昕宵 訓政未可過涉焦勞朕惟有於定省之餘籲懇 聖慈過事節

勞寬懷頤養日益康強以慰天下臣民之望上年寶廷奏請飭各省保送醫士當經寄諭各省督撫詳細

延訪保送來京旋據李鴻章李瀚章彭祖賢保送道員薛福辰曾國荃保送知縣汪守正吳元炳譚鈞培

保送職員馬文植到京由總管內務府大臣帶領各該員同太醫院院判等每日進內請脈所擬方劑均

能謹慎商榷悉臻妥協允宜特沛恩施前山東濟東泰武臨道薛福辰著記名以道員遇缺起奏並賞加

布政使銜知府用候補直隸州知州山西陽曲縣知縣汪守正著記名以知府遇缺題奏並賞加鹽運使

銜署右院判莊守和著補授左院判賞給三品頂戴並賞還花翎四品銜御醫李德昌著補授右院判賞

給三品頂戴並賞帶花翎醫士樂富慶修文斌均著以御醫遇缺即補並賞加五品頂戴前署右院判李

德立之子兵部主事李廷瑞著以本部郎中遇缺即補並欽奉 懿旨薛福辰汪守正莊守和李德昌馬

文植各賞給傳頒一方以示優異欽此總管內務府大臣恩承辰壽志和師曾廣順內閣學士寶廷大學

士直隸總督李鴻章湖廣總督李瀚章陝甘總督曾國荃湖北巡撫彭祖賢前江蘇巡撫吳元炳護理江

蘇巡撫布政使譚鈞培均著交部從優議敘○以鹽桂署正藍旗漢軍都統○諭御史李映奏近來督撫

於屬員被參奏有查辦之件往往避重就輕化有為無掩飾迴護積習相仍請旨嚴申誡諭一摺各省吏

治全在封疆大吏隨時考查認真整頓遇有查辦事件尤應秉公確查據實覆陳若意存袒護曲爲彌縫將官方向山整肅民隱何由上達耶該督撫等嗣後務當破除情面力求核實毋得稍有隱飾自干咎戾至臣工陳奏摺件理宜敬謹繕寫豈得草率從事該御史摺片內譌字甚多殊非敬慎之道李映著傳旨申飭○曾紀澤奏臣於光緒六年七月二十四日附片陳明駐紮英國屬地新嘉坡領事官候選道胡璇澤因病出缺並派委領事隨員韓提舉銜布政使經歷蘇滄清暫行代理仰蒙 聖慈垂鑒查該準萬國通衢五方雜處英人既竭力經營而華民之經商寄寓於該處者輻輳往來日臻繁盛該處領事官實有聯絡邦交保護商民之責必得精明強幹之員方足以膺茲劇任臣與總理衙門往返函商查有五品銜都察院學習都事左秉隆駐防廣州正黃旗漢軍忠山佐領下人由同文館學生派充英文副教習歷保今職光緒四年十月隨臣出洋派充英文三等繙譯官該員年力正富學識俱優通達和平有爲有守熟習英國情形通曉西洋律例以之充補新嘉坡領事官實屬人地相宜允之○內辰 萬壽聖節時刻上詣 觀德殿 孝貞顯皇后几筵前行禮辰刻受賀○丁巳 上詣 觀德殿 孝貞顯皇后几筵前行禮○戊午 上詣 大高殿 壽皇殿行禮○予同治年間出師越南傷亡員弁兵勇入祀龍川驍昭忠祠列入廣西祀典○己未以兵部尚書李鴻藻爲協辦大學士○以干預五城事務撤給事中孔憲毅

管理街道差使○庚申 上詣 太廟行禮○川楚逆匪黑大亡等伏誅獎敘湖北來鳳縣知縣唐殿華等有差○岐元等奏奉天所轄之東北吉林所轄之西南園場荒地前於光緒四年間兩次派員會勘因吉林所有界圖既被火無存委員皆不悉舊址該處墾種之民奉天園場業經奏准放荒吉林荒界仍在例禁故私改地名潛移界石紊亂舊址以遂其墾種之私而免受遷移之苦致兩省委員徇山沿海無從分辨惟有按照冊案所載地名劃定疆界考其名則如得核其實則吉省西界之地變為奉省東界之地者亦已多矣前兩次勘丈後以所繪界圖尚多互異終恐有不實不盡茲於本年三月山奴才銘安等咨商奴才岐元等遵派辦事精詳不避勞怨之員復加履勘當經奴才岐元等遵派海龍城總管馬有利協領訥欽奴才銘安等遵派差委知府李金鋪協領全福會同勘驗去後旋據稟稱該荒地山重水複實無舊址之可尋草密林深或為人跡所不到初亦但憑村民指點補立之界石幾為實據可憑該委員等會議如不竟委窮源終難水落石出遂稟飭分投交界附近各山細心踏勘費十餘日之力始尋得一二未盡就淹之界石復盤詰三五樸拙無業之老民細詢其舊日之地名山名互證參略得故址往復勘驗始具端倪然後會同議定除光緒五年原勘腰水泡子沙河口兩處會立石碣無庸更易外自五石封堆而南應由其東南山頭向南至大泉眼再至西砬子河流入當石河匯入輝發河作為準界西南為奉

天東北爲吉林至輝發河之南參山界址以色力河西報馬川之西南岡爲限岡山舊有封堆擬以岡西爲奉天岡東爲吉林其小伊通河係兩省入圍要道河北營房一所作爲吉林卡倫河南再建一所爲奉天卡倫從此兩省界址可復舊日規模質之居民無不折服擬請由小河口至橫頭山又五石封堆至大泉眼及報馬川西南岡三處挖立封堆重鑿界石以垂永久山奉撥回吉林荒地居民墾種有年應由吉林另行派員查明給放以安民業等語繪圖稟請核辦前來奴才等伏查兩省圍場界址在昔本無民人何至私相更改一自山禁廢弛偷墾漸多無業流民難盡驅逐因勢利導惟有開荒而兩省又本同時舉行以致移地改名滋生流弊在 聖朝天下一家又何分於地之屬奉屬吉而查辦各員並不詳考界址道聽途說人云亦云因卡倫之傾圯致地界之混淆時非一年官非一任未便過於追求經此番委員所勘尋流溯源澈底根究於從前之所以侵佔舊址之所以就淹本末根由昭然若揭自應即時劃定立爲案據後之守斯土者庶可稽已往而信將來奴才等往返咨商意見相同批飭委員挖立封堆重鑿界石各將卡倫官房趕緊興造繪圖立案以備稽查其奉省劃還吉林之荒地應由奴才銘安等奏明辦理下部知之○是月日斯巴尼亞國新簡駐華使臣羅德里抵任